

幻有禪師語錄

四
之

C40
4514
(192)



80

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

C40-4514



B.64853

了翁生平請大藏及有
家書置之武夷紫雲山
我微笑塔院虛庵中永
為學者不敢許出院內
雷山二世鐵牛機謹誌



龍池幻有禪師語錄序

昔牛頭一派橫說豎說總未達向上關根子古人云
大唐國內不是無禪只是無師良有以也馬祖會下
出入十四人善知識各化一方黃蘖際猶謂正法眼
藏寥寥數人夫得髓傳心者兒孫猶若是而況得皮
得肉得骨之儔乎然觀傳燈諸書所載一葦度江以
來赤縣神州衆生黑漆漆地者固多而具大根器知
有向上一着者亦不少五宗之中惟臨濟尤峻絕痛
快直下承當自臨濟玄九傳而至五祖演心心相印
絕無烏焉成馬之弊何者凡印有形則有差殊無象

揚述

卷一百一十五

三

則無分別故下者如印印泥上者如印印空虛空隨方圓以呈名然空豈自爲方圓乎大都五宗絕盛於唐綿延於宋而凌替於胡元其後如中峰諸大老雖推爲人天眼目未見斲然截出也沿至于今此道如綫矣莊子云北溟有魚其名曰鯤化而爲鵬九萬里風斯在下然聽其自化也使之化則非能鵬也宗家似之正嘉間天奇笑巖一二尊宿挺生其際遠接曹源近承臨濟正宗之綱藉以激揚不墜以余所聞笑巖咳唾如真虎踞地而吼百獸震慄以較裴旻之虎懸矣幻有禪師乃其的骨子也鍛鍊鉗錘可謂妙密

倘所稱深山大澤必生龍蛇非耶每與余問答如聲呼谷應形著影出不留一絲意根椿立嗚呼是其所以紹笑巖而起臨濟也嘗一癮知鼎味叩其玄扉則全帙在焉大率如刀斫水不見痕縫名爲作家不虛耳夫今衲子輩影迹所及輒能累人自了者流往往沉埋絕壑結草孤峰不受塵世之譏嫌乃禪師獨遊五都朱扉間且以爲蓬戶也者業遊燕矣而門庭蕭寂衆未嘗登十輩意泊如也石門誦翠巖芝云廬山殿閣如生成食堂處處禪床折我此三門如冷灰盡日長廊捲風葉禪師庶幾近之此其事業之見於細

微者也猶不測乃爾況大焉者乎是刻也不謀而成
蓋有殊勝力焉無論牛頭以下非所擬倫卽置之八
十四人中應以正法眼藏相屬矣余聊引其端俾爲
前茅若從禪師語錄中下一註脚是爲負禪師入地
獄如箭射覽者倘作語言文字觀亦入地獄如箭射

荆谿安節居士吳達可題于長安擷芳亭

龍池幻有禪師語錄目次

卷之一

住荆溪龍池山禹門禪院語錄

卷之二

住清涼山秘魔巖等處語錄

住燕山普照寺語錄

卷之三

閒談

卷之四

閒談

卷之五

晚話

卷之六

晚話

卷之七

舉古

拈古

卷之八

徵古

頌古

卷之九

代古

別古

卷之十

機緣

画像語

書問

卷之十一

韻語

卷之十二

駿語

卷之十二

性住釋
物不遷題旨

龍池幻有禪師語錄卷之二

門人圓悟圓修等編

南錄

萬曆元歲爲樂庵和尚越世師因掩室守制以三載爲期毘陵悟玄白居士過訪於關前問曰昨聞禪師孝義特爲令師掩關守制堅確卓立脇不沾席可謂此心難得但未知此守制外別有所得否師曰別無所得曰得母空過時光乎師曰亦未嘗空士欣然曰願聞不空所以師從容曰古語云自外入者名之爲得然此已躬之事人人本具個個不虧設爾發明只

80 1 2 3 4 5 6 7 8 9 90 1 2 3 4 5 6 7 8 9 100

發明吾人人本有豈從外得耶吾謂別無所得者以此士領之有間復問曰禪師於六祖所悟應無所住而生其心有所契否師曰事雖不合其理冥符經中所謂諸菩薩應如是生清淨心不應住色生心不應住聲香味觸法生心應無所住而生其心但於六根門頭於色聲香味觸法當無所住著而清淨心自現前矣又奚假生哉然生字作醒字看最好師又曰六祖得此源頭其來久矣方聞市人誦此不覺冥契遂訪黃梅五祖求印豈六祖纔聞是語始得未聞之先不得耶故先輩謂得失較量皆爲餘論士曰是知禪

師工夫入手久矣未必無首悟之緣可得聞乎師云吾聞先輩悟道者如麻明道者似粟未有能形容悟迹者如僧問仰山學人還假悟否山曰悟則不無恐落第二頭何若靈雲見桃香岩擊竹皆云悟道但不識道者爲何唯一智通老宿忽從夜半呼喚云我大悟也我大悟也歸宗令人問伊悟個什麼乃曰尼姑元來是女人做真可謂奇特君且謂此老會悟否此便是古人呈悟樣子悟本無迹亦不易言如圓覺云若言有證有悟卽爲我相名未解脫四相未除便不能入清淨覺海吾將有悟迹呈之是剜肉作瘡藥過

仍病也雖然但以始終緣會葛藤略呈所自可耳士
云願聞師云余初身嬰勞疾百計求醫莫得少瘥先
師初教叅父母未生前本來面目謂吾疾當自愈旣
叅日久轉加迷悶及閱諸禪宗語錄所覩種種差別
公案皆曠若面牆略無針劄可入延歷二年病亦不
愈竊計死將在邇一日對觀音聖像燃香發願持菩
薩名誓不倒臥以悟爲期夕死無憾由是尅勤精進
歷二七日餘一夕經行方坐昏沉無奈忽聞琉璃燈
花燐爆聲豁然有醒始知古人所謂直得虛空粉碎
天地平沉十方無壁落四面亦無門若有一人發真

歸源十方世界悉皆消殞等說皆非虛語於是只覺
得此身若一丸水晶珠內外瑩徹無礙渾如浸在碧
波之內相似頓見十方世界湛然一切平等清淨不
動始可謂溪聲便是廣長舌山色無非清淨身行亦
可語哉更覓此虛損勞疾則寂然不覺其有矣然後
閱佛經并諸祖師語錄乃至今所問之言皆如舊習
略不見其難耳語方及此忽寺長老送茶至師云且
截斷葛藤婢茶

晚叅據座曰老僧年邁不得如諸方依時及節與你

們說佛法提得起便與你們說幾句淡話提不起便休從今向去與你們說得十二分與佛法相應說得成言如雲門大師云乾坤之內宇宙之間中有一寶蔽在形山如此說話切莫作佛法道理會從今向去十二分說得不成言與佛法不相應如雲門大師云拈燈籠來佛殿裏將山門來燈籠上如此說話切莫不作佛法道理會正恁麼時汝等作麼生會取咄直須中間截斷兩頭撒開始得只恁麼十度去有甚了時雖然如是老僧今晚無可與你們商量得亦無可與你們說得若論教旨但汝等體解便知要會禪宗

各自尋思悟去若只教老僧終日向你們碎叨叨說去正如春禽畫啼秋虫夜鳴有何意味設有些些意味却又如臘月裏底扇子在你諸人分上總用不著且如卽今向上一著子還有可商量處麼若道有可能商量堅起左拳云也只是者箇若道無可商量堅起右拳云也只是者箇衆中有會得者麼會得卽向前来與老僧通個消息一總不會老僧今晚失利了也休休多說不如少說少說不如不說珍重
室中一晚問知修二徒曰金剛經謂若以色見我以音聲求我是人行邪道不能見如來汝等信不知徒

云怎麼不信師曰汝旣信難道你我閉著眼塞著耳見如來耶知云何會要閉眼塞耳師急索曰華嚴經又道佛身充滿於法界普現一切羣生前爲什麼汝等張著眼而不見耶知云據某見處是佛見無我是我見無佛師曰料掉沒交涉顧問修曰你如何會修云據某見處道得一字卽不出師曰同坑無異土汝等且去異日再會來復召曰殊不知是我見無佛并道得一字卽不出道不得一字亦不出皆迷邊事又是佛見無我并道得一字卽出道不得一字亦出皆悟邊事與汝等何預焉去

一晚同知修二徒至悟徒關房前竚立有間曰佛法二字雖不是偶然亦非特意會得但有個悟入處不妨信意拈來自然貼體隨分道出自然恰好所以大丈夫爲道迥別纔趕得源頭到手撩起便行不問如何若何老僧憶昔居臺山有一僧問三賢尚未明斯旨十聖那能達此宗未審如何是斯旨老僧卽鳴指一下曰會麼僧云不會又鳴指一下曰知麼僧云不知老僧但向伊道具足凡夫法凡夫不知具足聖人其僧矍然致敬倒身三拜直趨而去更不回顧俊法聖人不會聖人若會卽同凡夫凡夫若知卽是聖人其僧矍然致敬倒身三拜直趨而去更不回顧俊

哉汝等且道這僧如此去還曾悟得也未若道未悟他却恁麼去道他悟又悟個什麼來汝等試道看悟卽起身一拜曰夜深天寒請和尚歸方丈師曰不是這等饒侗推開去便了的師乃舒一手曰我手却是驢蹄悟曰恁麼道又爭得乃亦豎一指師曰也當不得知徒曰還許某甲進語否師曰道來知云雪中看月色師曰依稀彷彿顧修曰你也道得麼修卽曰滿室不聞香師卽轉身曰來日再商量

次日晚參師曰知徒第一座昨晚所進之語句意皆新大有來由甚惱老僧意卽這一言可繼夾山船子

之道所謂絲懸綠水浮定有無之意又語帶玄而無路舌頭談而不談者也雖然如是試更進一語始堪克紹洪規乃召第一座來船子道直得藏身處沒踪跡沒踪跡處莫藏身又作麼生座曰去此二途恰好師曰恁麼則前言不應後語了也良久曰夜靜水寒魚不食滿船空載月明歸復曰有舊日葛藤與你們重理一遍古人云可言不可行不若不言可行不可言不若不行發言必慮其所終立行必稽其所弊其言卽老僧前謂全剛華嚴二偈是也其行卽此晚參開示室中辨驗工夫是也言則爲始行則爲終所以

道發言非苟顯其理將啟學者之未悟立行非獨瞻其身將訓學者道業之未成耳且如金剛經不可以色見聲求畢竟如何可以見如來耶若曰凡所有相皆是虛妄若見諸相非相卽見如來且如爾我矇著眼現前無非色相又作麼生非得始可見如來耶旣不解非正如吾前所謂難道閉著眼塞住耳可以見得耶蓋金剛般若本是大乘終教一味談空與華嚴圓頓教相雖異究竟未始不同旣同爲什麼矇著眼不見佛身充滿於法界普現一切羣生前耶不聞當初芙蓉訓師一日問歸宗和尚如何是佛宗曰我

要向汝道汝還信否訓曰和尚誠言焉敢不信宗曰卽汝便是訓曰如何保任宗曰一翳在眼空華亂墜你看這則因緣甚好消息汝等還曾體悉麼還曾悟得麼倘爾悟去卽世間何法而不可通耶況大乘圓頓之不合哉所謂未有圓而不空空而不圓者也只如塵說利說衆生說三世十方一切說可謂圓矣又我觀一切衆生具有如來智慧德相但以妄想執着而不證得旣無執著豈非空乎況身意諸情根一切空無性耶如金剛曰衆生衆生者如來說非衆生是名衆生如來說世界非世界是名世界所以謂未有

撰述

空而不圓者也爾我若不悟去華嚴元是華嚴般若還他般若佛元是佛衆生依舊衆生於爾我何預畢竟作麼生是你們底悟處故曰學道須當有悟由還如爭鬪快龍舟雖然舊閣閒田地一度羸來方始休小參師云今辰擊鼓召汝等來別無他語爲某閣黎新年特特遠來與老僧拜節今既去當要大衆送一送伊我前晚爲伊舉一則古人因緣當面商量他又不會昨晚將如來兩段葛藤拈向伊又不肯理老僧今辰做得箇新鮮夢子說與你們當初老釋迦和尚在靈鷲山中法華會上逞神通呈伎倆謂道我能促

一劫爲若半日能延半日猶如一劫我當初只作尋常說話不知不覺看過去了而今始知不然適老僧獨于方丈坐方眨眼打個瞌睡便做了兩個大夢頭一個夢夢至當年三十日去往檀越家打葛藤至晚未歸被一個老婆子變著臉死死把老僧推出門來却道卽今已是臘月三十日晚了只管扯葛藤到幾時住家家戶戶俱要打疊過歲怎生容得你在此宿歇幸與得一根連枷竹柄子在手裏天上雪又落地下路又滑直得虎狼無辯高下不分以至半夜時分走得來山第二個夢却似正月十五大雪瀰茫之際

朦朧月色之時老僧旣出山打個之繞歸却從個板橋頭過見一隻虎張牙舞爪要過板橋不得背著橋耙坐久了打頓老僧也要從這條路歸只得輕輕走過板橋了撫掌呵呵大笑曰幸幸且道幸個什麼設若這虎歇却打頓掉轉頭來時老僧性命安有得到今日也然這兩夢未有人爲我原老僧試自原之頭一夢卽前晚關房前所作者是第二個夢但未暇說得且送了你大師兄去後更原之

有徒圓因一日侵早至榻前謂某甲適有個會處說與和尚正念了功課坐火爐邊暗究不生不滅之理

睜眼忽見火星一亮頓忘前念覺得見色聞聲事事法法無不是某甲會處今正對和尚說時又覺得不是了師曰你且去把你是與不是都拈去了來再與我說至第三日又來座前告云某始知得本來沒有是與不是都是某自疑不了耳師曰你前見火底意思還在麼因云在師豎起拳云見麼因云見師曰見箇什麼因云見和尚這是拳頭師曰恰又不是了禮拜着因拜至地被師一脚踏翻倒起來擬語師展兩手曰見箇什麼因更擬堅拳師喝曰出去

上堂舉女子在佛前出定話畢乃曰者一則因緣諸

方商略者極多判斷者恰少昨日見個俗漢子出來便要將黃帝於赤水求玄珠類女子出定以罔象爲罔明可發一笑老僧輕輕向他道還曾夢見釋迦老漢麼老僧今日爲伊判斷去也若謂罔明卽女子女子卽罔明或有一箇半箇信亦未可知若說女子從來未曾離佛佛亦未曾離女子一萬箇却有九千九百九十九個信不及卽今現前有信得者麼知徒出曰某甲數年前便會得則不見有女子亦不見有佛師咄曰出定話聲曰尚無定入況有出乎師曰汝見處與老僧初見處甚同許你具一隻眼雖然如是若

論佛魔齊掃迷悟兩空今時要實會到者田地不道全無只是罕有師顧視左右云還見麼不滯聖凡情卒易勸人除却是非難下座

上堂舉世尊勑阿難持鉢話師云當初世尊涅槃時至文殊勸請世尊再轉法輪世尊云文殊文殊汝將謂我四十年間曾爲說法耶何故又請我再轉法輪所謂始從鹿野苑終至跋提河於是二中間未嘗談一字衆兄弟阿難當初問七佛儀式世尊召阿難阿難應諾者是世尊爲阿難說了也未若道說了則曾說箇什麼來若道不說又召阿難作麼今時有一等

撰述

義學輩解道世尊不說處正是爲阿難說了也若然須信三藏十二部一切修多羅說亦不會說矣雖然且道卽世尊勑阿難曰持鉢去者三字是說也是不說也下座云參

上堂舉城東老母話師咄曰者臭騷老婆你看伊搽脂抹粉只顧裝模做樣作麼旣與我佛同生而又同居一處却對人云不欲見佛正所謂疎來好相見數往令人厭乃是終日見之不耐見耳殊不知爾我而今要見如來百計千方覓伊弗獲一見他把我如來不耐見作賤以至如此老僧但囘耐如來當時亦只

是不曾見者婆子設見之決也放伊不下務要鞭伊八萬四千拄杖一下也饒不得因甚如此爲如來眼裏着不得者個設見之便成禍害也兄弟莫謂如來當時不耐見伊只如老僧眼裏亦着伊不得汝等知麼此事且置兄弟汝等道者婆子眼裏見底如來是色質如來耶非色質如來耶較比爾我所見如來同耶異耶若道同則爾我皆已知如來當時在雙林滅度久矣若道異卽如婆子回顧東西見底并十指中間見底又是那個如來況金剛般若云若以色見聲求又不能也然此見如來之方且有二道耶兄弟爾

80 1 2 3 4 5 6 7 8 9 90 1 2 3 4 5 6 7 8 9

撰述

卷之三

我到者裏須當各各俱要理會得分曉若不會終爲塞礙有問曰爲什麼老母不欲見如來如來亦不說見老母乎師因頌云我佛初無半點私祇緣諱得者些兒既同生也不同死不說於人人不知下座

晚參潘淨月相訪師拈拄杖入堂召衆云今晚無他說潘淨月同二道友特特臨訪老僧彼善行醫治藥感彼遠來無可報伊老僧止檢得一箇好藥方傳與他要汝等大家證明乃召淨月在否月云在師曰我要傳方子與你須也要你有藥始堪有用要藥也須預曾採備得始可臨時應用若謂採藥還要個法子

樣子復召曰淨月月應諾師曰文殊當初喚善財採藥便是法子樣子文殊一日謂善財曰你旣去採藥但是藥便採來善財纔出門便走回謂文殊曰我觀大地山林草木大小昆蟲金石等類無不是藥未審要採那個藥殊云是藥但採來善財就于地上拈一莖草度與文殊文殊接得拈起示衆云者一莖草也能殺人也能活人老僧始從過水拾得一根枯竹子在者裏也能殺人也能活人舉起云喚作拄杖子卽觸不喚作拄杖子卽背汝等衆中還有道得者麼良久云汝等旣道不得豈不是死了又召淨月曰你作

撰述

卷之二

七

文殊我且只做善財我把拄杖度與你月伸手擬接
 卽被師攔頭着實打了一下月乃高呼曰阿耶阿耶
 者老和尚耐且耐師呵呵笑曰且喜活也活也只
 消你一個活其他都死了也不妨你既活矣我却把
 藥方傳與你罷乃召淨月月應諾師曰通身是病通
 身藥咄一聲云者是方子遂舉拄杖曰只是不把金
 针度與人乃云者是我底本錢卽轉身歸方丈

晚參師曰昔有箇道林禪師見秦望山長松盤曲如
 蓋遂棲止其上人皆謂之鳥窠禪師有一侍者名會
 通一日辭去林問曰你往何去者曰某甲自親和尚

不蒙垂誨今往諸方學佛法去林曰若說佛法我者
 裏亦有少許曰那箇是和尚佛法林於身上拈一莖
 布毛吹之者卽頓悟玄旨歟却去心然鳥窠當初膽
 量雖小也怪伊不得祇者一個侍者若去了自要飯
 喫爬上爬下便有多少煩難豈不慌憚當時連忙拈
 起莖布毛來務要束住伊不放伊去也老僧自揣膽
 量比鳥窠幸恢廓然者老山中不得幾箇伴侶要且
 難住雖稍有幾箇徒衆第恐相伴多日了也似伊要
 往諸方學佛法以故老僧新年頭將身子只得也抖
 撇一抖撇仔細檢點佛法則一毫無有如今若向老

撰述

分有神的詩錄卷一

僧要布毛則現前徒衆且多一革半革也不濟事起
身將右手往左臂上一摸又將左手往右臂上一摸
乃曰汝等還曾悟得麼若恁麼悟去佛再出世喚你
不回頭若不悟去汝等與木石何別還信麼眼見如
盲口說如啞二三四之乎者也喝曰參

晚參舉馬祖自南嶽印心闡化于江西一日讓和尚
問衆云道二爲人說法也未衆答已爲人說法了讓
云但未是人持箇消息來一日密遣僧去探伊囑云
若見伊陞座但問云作麼待伊有話記將來其僧一
依所囑問之祖云自從胡亂後三十年不曾少鹽醬

僧歸舉似讓讓然之師謂衆曰馬大師三十年不曾
少鹽醬方可聚徒說法老僧者裏少鹽沒醬聚什麼
徒說什麼法乃喚化油鹽僧出來僧出復曰近前來
僧近前師曰馬祖三十年不少鹽醬也只是一個化
主老僧者裏也只是一個化主老僧說法未滿一個
月便斷了鹽幸是笑岩老人過世了設在時遣僧來
探吾吾將甚話打發伊速道速道道得卽不打道不
得卽三十拄杖僧道不得師舉杖曰者杖不堪打
一下當十下遂打三下僧把拄杖一拽拽不去師云
恰與你不得雖然爭之不足讓之有餘禮拜著僧禮

撰述

拜起師曰是醜是淡僧擬開口師咄曰且如老僧與你們說幾句淺近底佛法似乎不解據你們底意思只要老僧說些深妙道理我又少贍沒醬底幸記起訓蒙童語念與你們聽了各散去乃高聲唱云上大人丘乙巳化三千七十士爾小生八九子佳作仁可知良久云去

壬寅二月二日有在家居士數輩送友入山祝髮晚參師入堂據座舉拂子曰某等三人發大菩提心特特遠來欲皈依老僧薙染作個圓頂方袍僧相既要離塵脫俗反邪皈正正是出類拔萃者也然此三人

雖無妻室子女總是伊離恩割愛底時節卽此一會諸上善人大家結伴送伊來山亦要訪尋知識決擇各自有一着生死大事未爲分外乃召諸善人曰若說起各人生死大事不但汝等急切在古亦然不見當初唐貞觀年間曾有個居士特往山中訪石頭大師見卽問云不與萬法爲侶是什麼人石頭驂舒手按却伊口伊卽領悟不露一辭又去參馬祖見卽也問不與萬法爲侶是什麼人祖見伊已自務自任乃與進一步云待汝一口吸盡西江水卽向你道士當下豁然乃曰從今後有男不婚有女不嫁大家團園

頭共說無生話去也且言馬大師與進一步更與伊進箇什麼來蓋謂你雖然孤迥迥赤條條無依無倚固是個頂天立地底一個漢子不若口門再用放大小些不大則西江水吸不及肚皮也再要放寬些不寬則西江水無以容你看馬大師形容得伊好個大人氣相汝等莫謂我們不能比得伊口門又窄肚皮也不甚寬豈似伊孤迥迥赤條條無依無倚去汝等果爾膽怯老僧如今與你們一丸安心藥喫汝等還會聞毛吞巨海芥納須彌之說乎毛與芥是無情之物猶能吞能納又豈不聞心包太虛量周沙界之說乎

昔李渤刺史曾問歸宗曰聞貴教須彌納芥子則不疑芥子納須彌莫是妄談否宗曰聞秀才讀萬卷書是否曰是宗曰觀公身量如椰子大萬卷書著在何處還知麼只這箇肉團紋路所通六根門頭種種塵境無不貫徹這一點虛處猶能包太虛周沙界況此須彌巨海乎但這箇肉團孔竅纔有些些粘痰遮蔽了卽平日六根門頭所攬底一切塵緣等事毫無知覺便是昏天黑地作顛作狂去也且止是事你看老龐參馬祖後再見石頭頭云你自見老僧以來日用事作麼生士云若問日用事卽無開口處乃呈偈曰

日用事無別唯吾自偶諧頭頭非取捨處處弗張爭
 朱紫誰爲號丘山絕點埃神通并妙用運水及搬柴
 若以傳大士夜夜抱佛眠之偈較之則天地懸殊反
 不如個在家居士也且問汝等總是在家居士作麼
 生是日用事莫是從早辰睡醒了便要穿衣穿衣了
 便要喫飯喫飯了便要屙屎放尿屙屎放尿了便要
 迎賓送客迎賓送客了便要抱子引孫抱子引孫了
 或要燒火掃地從燒火掃地了或也要運水搬柴旣
 在這行戶且莫說是與不是可謂無別若要唯吾自
 偶諧須見天地與我同根萬物與我一體始相應耳

頭頭非取舍只是見色聞聲處如水中鹽味色裏膠
 青水中月鏡中像取不得捨不得不可得中者麼得
 處處弗張爭舉拂子曰喚著拂子卽觸不喚著拂子
 卽背便是垂張底意思朱紫誰爲號蓋言天地日月
 由人分別物物頭頭法爾如然丘山絕點埃若人識
 得心大地無寸土若論神通并妙用運水及搬柴你
 看這個老頭子得了他兩箇悟頭便有多少自在多
 少受用賣弄道運水搬柴總是伊底神通妙用就如
 一百觔底擔子他擔了何等穩當第二箇在家居士
 便不肯如此承當去如老僧這裏現前一衆道友個

撰述

卷之二

個俱是頂天立地底大丈夫漢口門又濶肚子也大
只是不肯承當當初子湖大師從半夜時分驀叫云
有賊有賊驚得那叢林僧衆亂跑捉賊趕賊被子湖
驀擋住一僧緊緊抱住叫云捉得也捉得也其僧被
子湖抱住却慌惶了儘力急救云我不是賊我不是
賊子湖輕輕托開云是則是箇賊你只是不肯承當
又不見芙蓉訓問歸宗某自出家尚未識佛宗曰我
向汝說汝還信否曰和尚誠言何敢不信宗曰卽汝
便是曰如何保任宗曰一翳在目空華亂墜大眾若
論這個把手勸人行不得唯人自肯乃方親下座

晚參上堂今晚不擎得拄杖來老僧恐你這幾箇一
總嚇散了老僧便住不成山也且道今日托物爲由
承機而去者一節怕老僧拄杖子一節又怕梆子響
便躲閃開了又一則如閒神野鬼一則如五千退席
五千退席且置昔汾州無德禪師一日入堂謂衆曰
老僧昨夢祖禰與我索羹飯喫庫子爲我買些葷牲
以了其事黃昏時祭畢令庫子散其餘盤俱無納者
禪師就庫司飲歟自若卽寢息明辰侵早禪和子來
裝散去怨語曰酒肉和尚豈堪依住耶唯慈明泉大
道等七八輩在焉禪師乃陞座曰不消老僧一陌紙

撰述

弘福院詩錄第一

七

錢幾塊肉把這一隊閒神野鬼斷送去了也遂指住衆云此衆無枝葉唯有諸真實下座老僧如今不勞牽劬動骨傷神費力務去買紙錢刀肉來退伊只用得一根拄杖并木梆子足矣雖然老僧昨晚對伊道且將布袋口挽了趁你們氣力舉來高高閣起罷如今又不然難道老僧說法也欺汝等不濟而不說耶古人有云皇天無二道聖人無兩心且如何是皇天之道聖人之心不聞法華所謂密雲彌布一雨普潤斯非法喻齊彰佛天無二道乎蓋聖與天只是一個無私而已豈有他乎老僧雖不敢擬聖與天且如前

晚爲水雲等對真說話雖年老多忘一篇語中說差了三個字既曰將錯就錯觀汝等恰似將個棗子渾吞在肚裏了只不曾咬嚼一咬嚼耳雖不能如古人青州布衫麻三斤柏樹子乾屎橛死貓兒頭金剛圈栗棘蓬等又若鐵丁飯木札羹嚼不爛咬不破雖淡無滋味吞又吞不得吐又吐不得底語相同但肯相體我這三個字差處雖不禁咬嚼輒不可輕放過去了這是老僧底意思兄弟你們還知麼中峯大師有箇偈子念你們聽了去罷逆之則怒順之歡天下人情沒兩般肯信順窮還逆至眼開休把自心瞞去

一撰述

卷一百一十五

三

上堂輒呼衆名畢曰俱在麼答在急索曰我屎急且去著晚參曰且如早辰老僧相喚底意思汝等會得也未且置是事我且問汝等連日作務勞苦不易汝等看做是自己底事耶別人底事耶衆俱答云是自己底事師曰幸爾你們不曾看做別人底事若看做別人底事老僧明日斷不要你們作務矣何故如此我蓋知汝等一箇箇都是拋家棄業離恩割愛父母丟在荒草裏猶不暇顧旣出家來將要隨老僧學道速圖發明生死一著大事詎有閒工夫爲他人著忙耶哭了自己底飯打野裡去耶汝等會得這兩轉語

麼會得便請歸家穩坐自在安閒若爾不會未免終日奔波外邊走且如何是自在安閒人更說個比喻如叢林堂中安了五百單厨下只有一個安閒自在底燒火做飯也是伊淘米擇菜也是伊運水搬柴也是伊刷鍋洗碗也是伊鋪堂搬運莫不總是這一箇安閒底如六祖在黃梅春碓雪峯在德山充飯頭鴻山在百丈作典座法演在白雲做磨主總是且如何是波波外邊走底人正是如今孤迥迥紐著鼻子將箇蒲團在僧堂坐着不放參底如牛頭未見四祖馬師未遇南嶽俱胝未逢天龍等總是且如何得兩般

俱述

文獻卷一

三十一

合轍相應去却不如箇在家俗漢子道箇日用事無
別乃至運水及搬柴不妨便合轍了也而今人只言
窮理汝等却不在日用頭頭事物上體認向什麼處
摸索老僧只恐你們錯用工夫故此着急且日用事
又如何體認雖總不離根塵對偶纔有認着便落緣
塵分別影事上了楞嚴謂如第二箇月雖不曾離了
月體要且不是真月只如離了緣塵分別又向何處
體認縱不緣塵了了分明又恐落在識神設不分明
了了又恐落在無明大難大難却憶南陽忠國師
日喚侍者三侍者三應諾國師曰將謂吾辜負汝却

是汝辜負吾且如老僧早辰相喚底意思與國師喚
侍者底意思何如饒汝等從朝至暮波波汲汲做來
只是辜負老僧還知麼頻呼小玉元無事只要檀郎
認得聲咄一聲下座

上堂舉南泉一日同歸宗麻谷去禮忠國師泉於路
上畫一圓相云道得卽去宗往裏坐谷作女人拜泉
云恁麼則不去也二人爲伊挽之而回更不復去歸
宗當時頗奈繩頭在南泉手裏只得隱忍而退但云
是甚麼心行泊後南泉又同魯祖杉山歸宗四人辭
馬祖各住庵去泉又於分袂處插下拄杖云道得也

撰述

列傳稿

被這箇礙道不得也被這箇礙那時節却被歸宗拽起拄杖儘力著著實實打了一拄杖曰者王老師又說甚麼礙與不礙老僧今日暢快何似歸宗當時暢快若作歸宗只可盡法又留什麼人情縱無氣力底拄杖更打伊一兩下亦不爲分外者王老師慣得其便不打更待何時舉了云卽今衆中還有王老師麼若有請來老僧今晚更要與伊一頓爲甚如此豈不聞東村頭人家失了火西村頭人家未免着忙雖然如是路逢劍客須呈劍不是詩人莫獻詩下座

看經次有慧侍者獻鮮筍茶師云此乃是天降下從地湧出耶者云偶爾烹得恭敬和尚問曰你早晚聽老僧說話曉得否者云不曉得師舉匙挑起筍牙云你如何却曉得這箇者云現見師接曰旣曉得我要喫他卽送入口云恁麼靈明又道不曉得者無語而退

晚參師云兄弟事不如此古之住持爲衆說話直得哀請懇求不得已而應命又曰從來善知識亦無法與人話直要汝等自信自肯然後相應如今老僧恰似有佛法無着處要與你們則不待哀請懇求趕着你們來說也雖然爭奈老僧道心不能久遠不得長

撰述

妙法蓮華經疏

卷二

與你們說話不可輕忽不當做一件事且如我昨日偶問一泥水匠人曰你看者竹子如此擾亂爲當風搖竹子爲是竹子搖風彼云是風搖竹子予云若無竹子你又向何處見風乎彼卽笑云是亦有理兄弟彼是一個工作世諦中人見說得有個道理便亦肯信更說箇竹子無知風本無我所知在我而不在風竹便躊躇信不及矣正六祖所謂非風動非旛動仁者心動不其然乎雖然這箇說話亦是六祖當時應機建立之談未可以爲必然當知我心旣屬於動而知非風旛動者并知非非風旛動者又屬誰乎不然

又豈有兩個耶古人謂此心尚不得以有無名之況可以動靜名跡局之者乎古人有言喚作一物卽不中更曰不是心不是佛不是物良有以也今直不聽動靜爲非心但聽爲心之影響耳要識心體麼譬如一顆大清淨摩尼寶珠內外光明瑩徹淨無瑕穢無所不燭上至佛祖聖賢菩提涅槃真如般若等云下至天上人間地獄餓鬼等趣以至世出世間一切等法盡十方徧法界有情無情事事法法影子莫不都映在這寶珠中汝等還知麼還見麼除却內六根外六塵根塵不相偶時你又向何處見得這箇影子

撰述

妙有禪師詩集卷一

三

乎縱饒外絕諸緣內守幽閒猶是法塵分別靈明影
予若爾矇然不知又是一個無明塊子若於此有個
入處卽內六根外六塵中六識三六一十八更加地
水火風空見識七大徧週總成了二十五個圓通法
門一一法門皆有菩薩已證入矣惟楞嚴教主勅文
殊選擇圓通娑婆世界衆生當機唯耳根爲最今日
二月十九正是觀音大士放身命底時節汝等若也
要悟圓通今正是時須從這裏入遂鳴指一下云聞
麼良久自答云聞又以指點空一下云不聞麼自答
云不聞乃曰聞性空時妙無比思修頓入三摩地無

緣慈力赴羣機明月影臨千澗水

四月八日上堂靈光耿耿智體如如今古洞然聖凡
靡間向上一著由來千聖不傳放下便休是衲僧尋
常本事遂舉拂子云汝等衆中還見這箇麼若言不
見除是汝等生來眼盲若言見山僧但向伊道個瞎
若更有言除却這兩瞎請師別道山僧更還向伊道
個瞎若於此未會須更聽山僧葛藤乃曰今辰四月
八日正是我釋迦如來當時示生降誕之日捨身命
處所以旣從出家成道以來則有曰淨法界身本無
出沒大悲願力示有去來又言法身無相藉法界以

爲身心智無依等太虛而爲量所言法界者卽四聖六凡是也上至諸佛下至一切含靈莫不總是我如來一個根本法身更言法界有四所言事法界理法界事理無礙法界事事無礙法界該盡世間出世間法矣然總爾旣是一個如來法身則何處更有個衆生可度也耶以有大悲願力故示同人生死同人壽命同人好惡同人取捨同人哀樂同人是非於是中間遂有佛道可成有衆生可度然有衆生卽有佛有佛卽有衆生皆不出我一念靈知之心所以一念悟去卽佛一念迷卽衆生又一念善卽天堂一念惡卽

地獄所謂心佛衆生三無差別卽心卽佛不其然乎山僧今日忽想起世間前後不識有多少路見不平之輩務要別尋一個人要與我老釋迦比勝負較優劣殊不知我釋迦如來是何等一箇面目還知我釋迦如來脚跟立地處麼還曾夢見我釋迦如來頂相麼故云舉手攀南斗廻身倚北辰出頭天外看誰是我般人師言至此起身讚偈云天上天下無如佛十方世界亦無比世間所有我盡見一切無有如佛者遂急索曰雖然如是雲門大師來也乃擲拂子下座晚參靜虛王茂士從萬曆庠子冬渡江遠來訪老僧

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

於荆溪龍池山中同衆藜羹藿飯不親文字唯事蒲團竹椅以至廢寢忘餐期於徹證而後已一連住了八個月日乃因家間世故尋逼而去在山時每勸老僧爲衆開示并與徒輩說法當時老僧堅執不肯應命不是不肯應命但當時我思無可與伊說得雖然如今始有些些可說正要與伊說却又不在此矣兄弟你道老僧當時無得說是耶如今有得說是耶汝等試道看有云和尚當時畢竟該說師咄云還知如今說底卽是當時不說底麼還知當時不說底卽是如今說底麼曰恁麼則和尚有說無說俱不可思議

耶師打一棒曰汝何著相見老僧嘴動便謂說法見嘴不動便謂不說法耶更打一棒曰珍重

六月六日師因施主入山請爲大衆陞座說法師強據座曰山僧從住持來半月一陞座五日一小參今日施主勉令登座爲衆說法恰似節外生枝大不疾溜良久云喫尋常日午不打三更今日分明黑月當晝舉拂子召大衆云會麼猛虎不喫伏肉不憶獵人未及拔箭以割鮮正恁麼時當究不究烏又待夫嘔屍爛而醯臭咄一聲下座

僧問如何是佛祖奇特事師曰蝦蟆捕大蟲僧云恁

麼則不爲奇特也師曰猫兒捉老鼠僧禮拜起師振威一喝僧云和尚爲什麼放某甲不過師急索曰老僧有事你且去一日侍者圓地跪榻前懇曰某甲從出家學道以來尚未有個人處望和尚方便使某日用如何用心師曰汝若不會着衣喫飯病屎放尿須要老僧教汝老僧本分但只着衣喫飯病屎放尿隨緣度時而已別無甚神通方便奇特巧妙處汝更有甚疑地曰只疑一句偈云正恁麼時誰會得師曰你且去待別時來與你說師一日見伊從方丈前過去遂呼某甲地卽應諾走入門來師曰你去爲我喚圓

地來地踟蹰曰某卽是圓地師動容有間曰你卽是圓地我如何不認得你地復踟蹰無語師喝曰且去僧問如何是佛師云千峰雪色照人寒問如何是法師云春水平江匝匝波問如何是僧師云饭依似木人僧云學人不會師曰爭怪得老僧乃叱曰禮拜了參堂去僧禮畢纔行師召曰闍黎僧回首師云虛生浪死漢去

持華嚴經僧至問學人久誦此經未諳四法界旨師曰汝但從頭問來僧云如何是事法界師豎起拳示之僧又問如何是理法界師亦豎拳示之并問理事

撰述

公有藏本語錄卷一

三

無礙法界洎事事無礙法界俱以拳示之僧不省去
 問堂中第一座曰某甲久誦華嚴不明四法界旨來
 問堂頭和尚凡四問四以拳示之何耶座云會麼僧
 答不會座曰汝但從頭問來僧卽問如何是事法界
 座云卽拳頭豈不爲所舉乎又問如何是理法界座
 云卽能舉又豈異於拳頭乎又問如何是理事無礙
 法界座云卽拳頭便是能所豈能所外別有一拳乎
 僧曰然則如何是事事無礙法界耶座云若言事事
 無礙豈輒堅拳豎指瞬目揚眉而已以至輾轉舞笏
 打地擎叉把釣呈橈張弓放箭圓相作女人拜而

四法界旨莫不該通攝盡又豈止在僧在俗是女是
 男燒香禮佛擊磬敲魚打鼓捶鐘吹螺奏樂迎賓待
 客抱子引孫梳頭洗臉辨飯穿衣搓綿織布績苧撚
 麻點沸調羹攢花簇錦抗土掘地種穀栽禾寫字讀
 書操戈放彈莫不咸承此力深契斯旨也其僧再拜
 退復至堂頭和尚處禮謝懺悔師云你去見何人來
 僧云某甲於和尚前未有入處蒙堂中第一座爲某
 甲開通一線師令侍者喚首座至責云汝何多事爲
 伊饒舌座云和尚若嫌此等說以爲饒舌卽華嚴楞
 嚴又何須讀師驂豎起拳云汝謂此是權耶實耶爲

撰述

公有藏部詩錄卷一

三

有耶爲無耶是多是少爲是爲非速道速道座擬議
師卽振威喝出

一日有客入山訪師從容語及禪門中事客因歎息
師云何也曰弟子曾閱傳燈錄當初大法鼎盛時前
輩諸大老發明教外別傳之旨卽激揚酬唱之語歷
歷可觀洎至我明正德嘉靖間出個天奇老人并無
聞笑嚴二三老大似知有不肯草草只是未大發揚
今時少室但存規模體式虛行故事正是業識茫茫
無本可據者也近年來有個杜撰長老倣效成風出
自少室到處行棒行喝懸知少室今時無此機竅第

恐是無根之草終成敗壞師云不然當初釋迦老子
成道後號召弟子人天百萬說法如雲如雨應機似
電似雷你看伊幾十年中間曾見個什麼師法又遇
那箇作家來便乃如此汝豈不聞佛說諸經教中皆
謂佛從無量劫來無一如來不從承事過乃至謂三
千大千世界無有芥子許地不是伊捨身命處既是
積功累德猶乘願力而來方乃如是安知今日行棒
行喝又非病乘願力如此乎而今且不獨一人兩人
到處要行棒行喝兼老僧雖居於深山窮谷邇年以
來也要行些棒喝且道老僧要行底棒喝是效伊杜

撰述

1 2 3 4 5 6 7 8 9 90

100

卷之二

三

摸長老行底是效吾師笑巖和尚行底是效德山黃
蘖臨濟大覺消祖師如來行底若果從人學底卽虛
而不實終成敗壞所謂丈夫自有衝天志不向古人
行處行然雖此事不可從人學亦須是棒頭有眼始
堪行耳唯古人行喝喝須徹骨所以馬祖一喝直得
百丈三日耳聲古人行棒須要棒棒見血所以黃蘖
打臨濟大覺打興化便是樣子客曰爲什麼古人行
棒務要棒棒伊見血今時行棒棒都在空裏師
曰你且道打在空裏底棒亦有眼麼若無眼一棒打
不著所在卽禍生所以今時行棒與古時行棒甚異

彼此只虛行故事耳有個比喩比如官廳前皂隸私
受了犯人財賄棒棒只打在地下但只聽得響何曾
打著個人不信試看棒頭上曾有些血星兒麼

龍池幻有禪師語錄卷之一 終

80 1 2 3 4 5 6 7 8 9 90 1 2 3 4 5 6 7 8 9

100 1 2 3 4 5 6 7 8 9

古秀州弟子通勝孫洪基捐資三兩六錢七分
七厘信士袁冕頌募銀二兩四錢五分四厘
刻此幻有語錄一卷計字一萬二千二百
六十三箇

龍池幻有禪師語錄卷之二

門人圓悟圓修等編

北錄

萬曆甲申歲師演法華妙典於秘魔岩寺時有萬融
首座病眼四十日既愈一日仍來座下展本聽講經
師方陞座見之言曰且喜萬融首座病眼重開幻人
有賴彼悚身起立云不敢師曰且問汝卽目前所
覩境界與向未病眼時同耶異耶對曰無異師曰然
正古人所謂三十年前見山是山見水是水及乎中
間有個入處則見山不是山見水不是水老僧今日

撰述

卷之二

一

休歇得見山依舊是山見水依舊是水是也師乃說經不已及下座有空安禪者詣方丈叩曰前言古人見山是山云云之旨某甲實未明了願老師方便一指曰禮拜着者禮拜起師問曰會麼云不會師曰近前來安近前師豎起拂子云此是拂子打伊一下復豎起云此還是拂子會麼云不會師乃曰昔妙色國王欲求勝法恨不值佛帝釋遂現藥叉形而爲說法乃曰我肚饑不能爲汝說王遂呼厨吏作上膳奉之藥叉曰此非我食人新血肉是我常食他人身肉俱非我有遂將已所愛子及所愛妻皆與食之猶未克足欲捨己身願乞先爲說法帝釋見王爲法心切了無違拒遂捨藥叉形而現帝釋本形一手托妻子一手托子了無遺損爾果學道欲圖個得力處亦須如此一廻始得者復問學道人病苦到來如何排遣師曰今見吾法門中人但得些些因緣福報便算了。一生修行事畢便爲止足更不圖進復不覺察是之與非只爾昏昏把日子輒過去了殊不審一旦大限到來八苦交煎之際始悔之噬臍不及矣且爾我手足晏安之時平懷適意處得力不得力他人不知要在各各自已揣摸檢點昧心不得欺人不得休把光

撰述

文部省言金卷一

陰虛度了每見有登華座踞方丈曾作人天標榜者拈椎豎拂談禪論道說得如瓶瀉水相似大有可觀近似了了纔有些少病苦到來便見排遣不下以至臨危之際不言可知矣不知素日談禪論道種種好處向甚處去也蓋此等流出家未有原志復不曾遇得真正明師點化所以不能到究竟徹頭處耳既未有工夫實驗而且無個把持處則憑何以排遣病苦乎故吾學道人先自要具眼具眼則易得其師得其師要求啟悟反掌無難矣所以古人纔掉得個源頭到手便歸家穩坐自在安閒縱橫無礙左右逢源所

謂行亦禪坐亦禪語默動靜體安然矣縱有病苦到來只若無事人又奚假一毫之力用排遣哉故曰老僧自有安閒法八苦交煎總不妨是也者再拜曰某實同病苦但不解前謂源頭者何也師卽召空安安應諾師曰爲我喚空安來安曰更喚某甲別無有也師云與汝說竟天晚珍重

萬曆甲申師在秘魔岩寺有王胡二善人入山設齋備禮勉師陞座師乃曰若教幻人說佛法無一字可語但問二善人每歲供送稻糧與我僧喫將何所圖善人同聲應曰久聞此山師德都是真實辦道者某

撰述

卷之二

三

等俗緣忙迫未能學道唯減此口糧爲少助緣耳師回首顧衆曰正可謂施主一粒米重若須彌山若然不辦道披毛帶角還信矣且如一粒米多許大古人謂重若須彌者何蓋原蘇學士云鋤禾日當午汗滴禾下土誰知盤中餐粒粒皆辛苦也以今日觀之又翻成檀越信心膏血矣然吾惟患在今人不辦道耳且如我等今日爲是捶鐘過鼓集衆陞堂是辦道歟爲是唱偈提科鋪文演義爲辦道歟又出口入耳數墨循行是辦道歟披衣坐立束整威儀爲辦道歟又敲魚擊磬誦咒誦經是辦道歟迎齋獻供作梵持鈴

爲辦道歟又書符發牒掛榜揚旛是辦道歟醮星安土灑淨行香爲辦道歟乃至禪堂止靜放叅開單展鉢是辦道歟打坐經行看經念佛爲辦道歟乃至厨房炊齋備供煉醬調羹是辦道歟洗碗擇菜運水搬柴爲辦道歟乃至庫司注記券疏因果分明是辦道歟出入金帛取與米麵爲辦道歟乃至方丈寢高堂居巨室是辦道歟登華座拈塵尾爲辦道歟撫養老病誘挾後昆是辦道歟量才授職察言辯色爲辦道歟姦佞必除賢善必舉是辦道歟賞罰中節號令密嚴爲辦道歟迎賓待客納衆招賢是辦道歟冠已惠

1 2 3 4 5 6 7 8 9 100

物下心一切爲辦道歟乃至靜室穿破衲咬菜根是
 辦道歟打餓七喫水齋爲辦道歟閉門靜坐一物不
 爲是辦道歟墾土掘地攝散除昏爲辦道歟諸大德
 卽爾我許多出家之流反不如古時一個俗漢子却
 謂道日用事無別唯吾自偶諾頭頭非取捨處處弗
 張乖朱紫誰爲號丘山絕點埃神通并妙用運水及
 搬柴且看這俗老漢得個什麼消息便敢開大口謂
 搬柴運水猶屬彼之神通妙用而況於吾儕在袈裟
 下者反不及乎雖然這老漢最善畫龍猶欠點眼幻
 人今日試與指破使汝等易會去日用事無別切忌

眼花唯吾自偶諾到此也未頭頭非取捨更欠什麼
 處處弗張乖瞞吾不得朱紫誰爲號只許你道丘山
 絶點埃自語相違神通并妙用你是俗漢運水及搬
 柴合應如是且道這個辦道說話在汝等諸人分上
 還曾有麼若有須出來與幻人對衆通個消息若無
 切莫因循造次各宜珍重尋思去乃下座

普照寺開示舉陶太史一日問師曰弟子未有入處
 乞師指示浙音入與實同師以爲實乃云檀越卽今
 坐在虛空裏耶時靜虛居士在傍以爲答錯了也師
 卽曰將錯就錯何如靜虛無語雖然據此一問無論

撰述

公有社印金卷二

五

錯與不錯良喻如人浴於大海患渴求救相似殊未
 知老僧今日覓個出處不可得又何用入良久乃召
 曰兄弟欲會大道當會吾心唯吾心原同太虛洞徹
 無礙左右逢源淨裸裸赤灑灑露堂堂明歷歷無拘
 束莫可把又豈有內外中間三處而俾之趨向背離
 容有出入之迹者乎正所謂取不得捨不得不可得
 中者麼得惟僧惟俗誰得誰失大約今時人學道有
 二岐路是大病痛非此卽彼不可不知第一路不肯
 反躬扣已自信自悟只要向他善知識口裏討分曉
 求解會病在依他作解障自悟門第二路先任了自

已一個見解確定以爲主宰安頓在胸中了務要覓
 他善知識將個圓木桶子恰好投入他者四方孔竅
 無論投著投不著而不知正是個無明坑穿生死根
 本蘊積日久永難拔除兄弟道無別體且覩此娑婆
 世上未悟之人純是一團情識意見所以同我者乃
 喜乃愛日親日近異我者乃違乃厭日遠日疎師復
 召曰兄弟果爾相信依教奉行將二岐路妄想境一
 一覗破廻光返照而無量法門莫不圓滿具足總是
 不思議境界又烏用別求知識開示種種方便然後
 悅哉唯患汝等從無始以來情塵意識積習濃厚了

80 1 2 3 4 5 6 7 8 9 90 1 2 3 4 5 6 7 8 9

100 1 2 3 4 5 6 7 8 9

不能似大丈夫有決烈勇敢之志提得起放得下但
只如半死不活底人提起來恰似都捨不得放不下
惟恐斷了命根相似故大慧禪師曰大段今時學道
人多怕落空且如怕落空底還曾空得麼我笑巖和
尚亦云只這怕落空底也須空却始所謂鯨吞海水
盡露出珊瑚枝耳非是前輩老和尚好專以空教人
也祇緣學道人胷中一毫頭能所着不得一毫頭知
見存不得不聞安楞嚴破句讀云知見立知卽無明
本知見無見斯卽涅槃信夫纔有些些能所知見留
於胷次便成膏肓之病終爲滯礙久之則不知不覺

不可得而治矣但祇見得一切人說話不合我一切
人行事不如我一切知識說話行事俱不合我矣如
此則莫謂今時善知識一切人以至上古善知識聖
人佛菩薩再出頭來亦有所不合矣汝等珍重

癸卯八月十五日普照寺開示陞座祝香云此一炷
香不從天降豈逐地生雖假如來身分上藉來還向
自己信心中拈出爇向爐中端爲供養本師釋迦世
尊文殊普賢一大菩薩觀音大士護法韋馱西天東
土歷代祖師一切聖賢均沾供養次一炷香天不能
蓋地不能載爇向爐中端爲祝延今上皇帝聖躬萬

撰述

歲東宮後王國太夫人文武官僚功勲內宰以至十
 方檀越咸增壽算又一炷香非金非木非自非他用
 山僧信手拈來端爲供養笑巖堂上傳曹溪正脈三
 十二世月心寶和尚用酬法乳之恩兼太平堂上資
 秉教授承胤雪峰宗祖二十七世樂安悅和尚乃至
 荆山珂夢塘覺二大和尚以及天下諸善知識并大
 法師一切高人普同供養就座云靈光耿耿智體如
 如今古洞然聖凡靡間向上一着由來千聖不傳放
 下便休是衲僧從初本分以拂子豎起問衆云汝等
 卽今還見這箇麼若言不見除是汝等生來眼盲若

言見又是知見立知卽無明本還知麼還會麼倘爾
 不會更聽山僧向下葛藤良久云且言昔日我釋迦
 如來出世本懷益爲一大事因緣唯開示悟入佛之
 知見而已無論佛語蠢動含靈皆有佛性卽裝休承
 相亦曰血氣之屬必有知凡有知者必同體所謂真
 淨微妙虛徹靈通卓然而獨存者也始知者一點靈
 明不昧之知在爾我莫不均稟共有爲什麼却又有
 佛與衆生之分也蓋有佛卽有衆生有衆生便有佛
 旣有衆生與佛之分所以便爲衆生識見了則不得
 謂之佛知見矣試看世尊初一日在尼拘律樹下打

撰述

坐有二商客倩人推車過了來問世尊曰曾見車過不世尊曰不曾見曰還聞不云不曾聞曰曾別去不云不曾別去曰曾瞌睡不云不曾瞌睡於是商人作禮世尊讚歎願云當如世尊覺而不見遂獻寶珠而去故古德云卽此見聞非見聞無餘聲色可呈君個中若會些些意體用無妨分不分好箇分不分話汝等會得麼還聞世尊將說法華先從兩眉中間放一道白毫相光照見東方萬八千佛土靡不周徧於彼此國土衆生一切境界皆悉令見所謂一光東照智境全彰如永嘉大師曰境非智而不了智非境而不

生智生則不了境而生境了則智生而不了智生而不了無所不了了境而生生無能生生無能生塵遺非對了無所了念滅非知知滅對遺一向冥寂閑爾無寄妙性天然其曰今言知者不須知知但知而已如此則可謂佛之知見者亦不可謂佛之知見何也可謂佛之知見者知見立知也不謂佛之知見者罷侗真如也到此之際各自著些精采討個分曉好正所謂具足凡夫法凡夫不知具足聖人法聖人不會聖人若會卽同凡夫凡夫若知卽是聖人耳忽憶當初有箇智通和尚在歸宗處從夜半驀叫喚驚衆曰我大悟

撰述

卷之二

六

也我大悟也歸宗令僧扯住問悟個什麼却答曰尼姑天然是女人做試問大衆且道這個是悟不是悟此事且置山僧今日陞座本爲大衆敷揚法化宜先舉三皈五戒大綱略增幾句註脚云汝等善信男女可當各各合掌胡跪分明諦聽師召云善男女等汝輩既已發心持齋決志修行冀脫生死苦輪必先皈依三寶佛法僧是也所謂佛者我所指皈清淨法身毘盧遮那佛身非指釋迦化身者也蓋爾我雖在釋迦世尊教化中咸承彼力卽未獲親證親悟終爲隔絕蓋已知彼當此周末時在西域雙林樹下涅槃久

矣旣已滅度屬人皈依者但教法存耳教法旣存必有歸旨歸旨所在卽如來法身亘古亘今未嘗生滅吾所指皈依者此耳汝等不聞遮那妙體徧法界以爲身乎蓋言法身無相藉法界以爲身者卽四聖六凡皆合如來一體無二也夫四聖六凡爲十法界俱屬有情類中所攝然法身盡此則如來法又有不周徧處也須知更有無情四法界卽華嚴說理法界事法界理事無礙法界事事無礙法界是也然情與無情總屬如來法身爲一體者卽今在爾我分上當又作麼生會合耶且如永嘉大師曰智非境而不生境

非智而不了作麼生不合又豈有二體耶到此之際始知情與無情總屬如來法身當知爾我則通身都在如來法身之中實無迴避處也則又當知離却如來法身卽爾我這個身心且無棲泊處也信知是皈依佛卽法卽僧都在其間矣皈依法者卽指心法非有別法可依皈也既知爾我這個身心在如來法身之中則又當知如來這箇法身又在爾我這一點靈竅心中矣所謂心包太虛量周沙界不其然乎又所謂心生則種種法生心滅則種種法滅除却心法則無別法可依皈也況慈悲喜捨等法又豈外是乎皈

依僧者僧爲和合之義佛卽法法卽心心佛衆生三無差別又所謂卽心卽佛卽境卽心舉一而三言三卽一者也如是則皈依佛竟皈依法竟皈依僧竟今屬八月十五日乃當今天下十三布政南北兩京選舉之辰如昔丹霞所謂卽選舉亦何如選佛耶所謂十方同聚會箇箇學無爲此是選佛場心空及地歸擲拂子咄一聲下座

上堂師云鄙人將謂今時佛法門頭沒有可商量人仔細檢點也有一箇半箇有僧出問誰是一個師曰卽今如鬧市街頭十字路邊盤膝坐地哇哇叫化錢

者是誰是半箇曰卽今認住客塵煩惱確定以爲主宰者是或曰若說佛法原不會許汝有商量處烏用汝顛言倒語有許多饒舌師曰我不恠你雖然說得儘是你儘做得個膾子手何也任他佛頭來魔頭來獅子頭象頭來牛頭馬頭人頭狗頭羊魚頭鵝頭鴨頭旣到汝案頭上一一儘汝破除打發一邊去只恐汝把個死貓兒頭便不能破除得打發不開去於此打發得開去纔是好膾子手也或曰將那死貓兒頭來着師乃笑曰果然不識有人於斯一似個無尾巴底大虫且道順毛還勒得伊麼有人於斯一似個生

鐵攔子有力者還拘得折伊麼果乃順勒伊不得拘折伊不得只是有一人搖頭不肯何也第恐將個臭鶻突布衫做了貼體衣至死不肯脫總有青州布衫堆滿世界也沒用處況今時善知識都只要抱不哭底孩兒不敢觸着伊動着伊只怕退了伊底道心又恐斷絕往來了不唯不我供養反被伊生謗毀作覊害便不奈何若是拋捨性命善知識則不然饒他是生鐵攔子須要誘引伊一舉舉到那半天裏沒割殺處了始撒手待伊自放下來務要跌折了他底又饒他是箇無尾巴大蟲先須掘個坑子隱覆却候待伊

撰述

卷之二

二

來陷入內務要使伊跳不出去直待伊計窮力盡時
且問他你還要活麼待伊領首時更曰且緩緩直須
教伊命根斷如死灰了也不然這畜生還蹲跳在雖
可謂我救得這死漢了也不然這畜生還蹲跳在雖
然說得也好只可惜今時末法世中無這等一個知
識正所謂賢聖隱伏遇而不遇也恠伊說不得呵呵
李孟曰大夫問老師修行多少年方纔得悟師云貧
道修行未久亦無悟處雖然貧道自持齋出家學道
以來不過四十餘年前二十年止入得個信位于晝
夜十二時中猶不知其饑飽雖寒暑亦莫辨後二十

年但醒得一一病痛不從外入俱是自己心中所發
近日又增得箇歡喜處始知得人人肚饑都只是要
飯喫然又恰如人從半夜睡醒了只顧東摸西摸信
手摸著了自己底鼻孔不覺失聲呵呵一笑

士大夫有問云今日望師開示師云若說開示則現
前種種物色原不曾有一毫遮蔽處若論佛法在老
僧則一字也無不見當初老釋迦出廣長舌相徧覆
三千大千世界談經不過三百餘會說法亦止得四
十九年又誰知得是止啼黃葉及乎沒後結煞於人
天百萬衆前拈華時竟無一人會得獨有迦葉破顏

1 2 3 4 5 6 7 8 9 90 1 2 3 4 5 6 7 8 9 100

微笑而已孰又知是空拳誰小兒哉而今衆大夫若要向貧道口裏討能有多少汁水請不如各各安分休去歇去倘休歇不下可將佛祖聖賢一則半則無義味底爛葛藤於晝夜十二時中咬脣去參悟去果能聽信拳拳依教奉行十年二十年若不悟去老僧替你下地獄你若只似矮子看戲半信不信不肯扣已而參只要向他善知識口裏討生死求決擇又貪着那一等瞎宗師開口向你說些有滋味底說話并有義路底言句管直保你到彌勒下生第二箇彌勒下生恐亦不能悟得莫恤老僧性燥不能一一爲汝

等備悉得

孫淇澳太史一日問及九峰勘石霜首座謂休去歇去云云首座謂明一色邊事九峰不肯何也師云欺他道眼不明耳公謂此可以說得否師云可與愚者道不可與智者傳公謂學生也不曉得師云貧道如今又不然止可與上上根人達而不可與中下之機言矣公領之相與一笑

李對泉太宰六月六日辦齋請師至問云禪師今日有以教我否師云貧道教何敢當然有啞焉放下一着可相勸耳何也蓋爾我始由最初一念之欲未能

撰述

卷之二

古

放下所以攝入父母胞胎有此色質以來念念輪迴無有休息以至臨命終時依然不能放下儼如落湯螃蟹致手足顛倒慄亂無措噬臍不及矣果爾相信先須要自己識得破決得斷頓把目前萬聚紛紜一切生滅之念嗒焉一齊放下便覺得於心無事於事無心自然了了分明當下豁達一無障礙矣

又問夢中不能作王者何也師曰設夢中果能作王得則又不得謂之夢矣昔所謂至人無夢者正以此有所檢耳又吾禪門下所謂打成一片寤寐一如者亦以此耳公曰何也師曰是吾叅禪人做工夫直須

到這田地夢中作得王正是打成一片寤寐一如之先驗也以至不二法門事理無礙惺寂雙流定慧等學是非一致物我同根萬物一體凡聖同源莫不一以貫之皆是打成一片事所謂若有一人發真歸源十方世界悉皆消殞若人識得心大地無寸土三界無別法唯是一心作縱橫無礙左右逢源且道又是第二著工夫實驗耶

又問古人因緣請示幾則令吾輩時時叅究得否師曰若論古人易會方便則無如趙州但觀伊作沙彌童稚時初見南泉泉因臥次問沙彌自何來答曰從

換述

卷一百一十五

三

瑞像來曰還見瑞像麼答瑞像未覩祇見個臥如來
 泉不覺涌身起坐問汝是有王沙彌是無王沙彌答
 是有王沙彌曰今王在何處云仲冬嚴寒和尚尊體
 萬福且看伊作沙彌時利辯如此以至年逾八十猶
 未罷參故復庵和尚有頌云趙州八十猶行脚只爲
 心頭未悄然及至徧參無一事始知虛費草鞋錢蓋
 伊作善知識接物應機垂手處其圓徧之妙迥與他
 師不同故住院後凡有僧到便問曾到此間麼答曾
 到州卽云喫茶去又僧到便問曾到此間麼答不曾
 到州卽云喫茶去居士還知趙州未嘗草草麼曰不

知師云此可參

又僧參問如何是祖師西來意州云庭前柏樹子僧
 云和尚莫將境示人州云吾不會將境示人僧云旣
 不會將境示人畢竟如何是祖師西來意州云庭前
 柏樹子居士會否曰不會師曰此可參

又僧參問狗子有佛性否州云有僧云既有佛性因
 甚又撞入這皮袋州云爲伊知而故犯又僧參問狗
 子有佛性否州云無僧云蠢動含靈皆有佛性爲甚
 狗子獨無州云爲伊有業識在居士曉得麼曰不曉
 得師曰此可參

撰述

卷之三

又僧問趙州一物不將來時如何州云放下著僧云
一物不會將來更放下個什麼州云放不下則擔取
去居士還會放下麼太宰無語

有客問某等修行當何用工師提起數珠曰會麼客
曰會得師反詰曰汝作麼生會客曰若恁招著數珠
念佛有什麼不會師曰未也客云若更有別說某便
不會矣師舉數珠招曰但恁麼一粒一粒撥過去

又有客如前問師曰但著衣喫飯是汝修行用工處
客云某鈍根不會此理師曰卽這着衣喫飯工夫亘
古亘今未曾少變初無汝用意着力處無汝安排造

作處無汝迴避處無汝輶泊處無汝思前算後處有
什麼不會

又有客如前問師反詰曰汝擬修行圖個什麼客云
冀會道耳師曰果欲會道直須放下這要會道底念
頭便是真用工處若此用工自當會道客云奈要會
道這一念放不下何師曰去汝正鬧在

有客問某留心此道有年矣不悟何也師曰不然我
有個比喻比如南北兩京之間有箇庶民發意擬詣
北闕面君旣自不識所由兼乏指引出門却往南都
走逾走逾遠轉急轉遲然南都之景像無差原非異

撰述

弘明集金言卷二

十一

國但反初心則究竟不是蓋爲打初發足處便背馳行錯了而今請試檢點看果於世間功名富貴之念輕微利欲貪圖之情澹薄正所謂狂心歇處卽菩提不然則如曰班鳩樹上鳴意在麻地裏終日行路何曾踏著一步終日喫飯何曾咬著粒米是也然世出世間色空事理生死得失好惡長短是非彼我情與無情等法本是一貫行處雖如步步不同到後可言頭頭不異耳不見大通和尚一日上堂云老僧未行脚前見山是山見水是水中間得箇入處見山不是山見水不是水洎至今日老僧見山依舊是山見水

依舊是水又僧問趙州如何是道州云城外底僧云不問這箇道州曰你問那箇道僧云我問大道州曰大道透長安是也

屢有客問道於師師或答或不答問嘗聞有如來禪有祖師禪作麼生甄別師舒手班指數曰余今年五十六歲矣客曰老師耳肯那傍有僧走過師驂扯住問今日是八月十五否僧答云今日是十四明日是也師撒手對客云唯這僧記得端的又有問祖意教意是同是別師忽云好打好打客作色曰何只言好打耶師豎起拳云不是拳頭定是巴掌客揖之而去

客有再扣之畢竟何以爲道也師乃從容諭之曰道無方所無有形名指點伊不得取舍伊不得是非伊不得向背伊不得有無伊不得增減伊不得揀擇伊不得動靜伊不得好惡伊不得逆順伊不得可否伊不得進退伊不得語默伊不得思議伊不得垢淨伊不得依倚伊不得營爲伊不得對待伊不得偏黨伊不得閒忙伊不得前後伊不得難易伊不得始終伊不得人我伊不得親疎伊不得損益伊不得寤寐伊不得異同伊不得男女伊不得老少伊不得失伊不得新故伊不得迷悟伊不得固必伊不得高低伊耶跌殺我耶便休

有客問西來大意師指古鏡云是這箇客曰奈某不會何師云爲汝未曾用工磨得客曰某作麼生用工卽得師云卽目前古鏡鑒復急索曰還我西來大意來客有省曰我會也我會也師云會卽不無試說來客乃指古鏡曰某旣會矣奚又止在是師領之

客有問某心緒萬端不能歸一何也師曰不見永明

80 1 2 3 4 5 6 7 8 9 990 1 2 3 4 5 6 7 8 9 1000

撰述

壽禪師謂未達境唯心起種種分別達境唯心已分別卽不生客曰我會也師曰怎生會客云三界無別法唯是一心作師曰又何曾會且問如何是汝心客云無心曰如何是境云無境師曰汝何不問我客卽問如何是心師曰汝還見境麼問如何是境師曰汝還見心麼客歡喜禮拜起師但與振威一喝客不覺吐舌乃退

僧問九峰勘石霜首座云云而九峰不肯何也師舉拳示之曰爲伊不識這箇僧云識得後如何師云石霜住持有分僧又曰聞毘陵孫太史亦曾問此未知

如何答伊師曰山僧但答爲伊道眼未明耳僧云卽如道眼明後又作麼生師云則不見有休去歇去云云語矣僧再擬開口師叱曰去汝不會我語

有客問今此四大幻身從何而有耶師答曰從妄想有曰至百年後又從何去耶答如人夢醒所作之夢事又從何去乎問此妄想從何而生答從無有生曰無有妄想不得謂之無有矣答妄想不出於無有此身則應常有此身既非常有雖有而不爲有矣當知無有不復更無雖無而豈爲無歟般若所爲不有不無者以此也孰又知夫妄想不有無有亦不有矣

師一日過叢席見學者看書看敎者卽從容諭之曰汝等看經書務先知其緩急道爲急務達者爲先第一須用銷磨無量劫來種種習氣對治一一病痛夫烘烘人我妄作母使一毫芥蒂留於曾次是急又如喫飲食一一須是消化得便是爾我真實受用其他資談柄長識見博學強記及無礙辨才皆爲末事可緩耳

師一日因諸士大夫請集於京西慈因談道罷師因出袖中扇展之舉起問諸大夫曰請問孔夫子當時還知有這箇麼衆俱默然唯槐庭蔡大夫聳身叉手

云此學生不敢言師云這算不得務須說出乃云若謂孔夫子當時實不知有此師接曰以我爲隱乎吾無隱乎爾聾衆大夫咸舉首領之次日有湛然上座至師所復徵曰設昨日士夫中有道老和尚還知有這箇麼又作麼生師急索舉扇收之縮袖對上座展兩手睸目視之移時直使湛然無語臉上有熱色乃休

有謂官人祁奚度者日誦金剛般若最苦中有間斷爲告師云殊不知纔舉念要誦時便間斷了也又云要得念念無有間斷直須是恒誦不已不欲滿耳可

撰述

卷之二

三

客有恃會禪會道者師一日忽邂逅途中因舉蘇學士考琴操善參禪話詰之曰卽如琴操所答湖中境

云云且置之勿論如東坡云門前冷落車馬稀老大嫁作商人婦何謂也客曰好一箇光景師乃云若恁麼會禪會道較之琴操一觸便悟遂削髮爲尼去遠之遠矣客却問趙州當初勘破臺山婆子何者是趙州勘破處師呵呵大笑曰何與今日彷彿有如此耶遂不語掉頭別去

師一日對客語及曹操與楊修讀曹娥碑話師因嘆

曰大段今時人不及古人多矣卽如這八箇字總是閒文沒要緊事古人尚放伊不過務要明了纔休如曹操云有智無智較三十里便識得也昨鄙人亦有兩句沒要緊說話凡對平常人則不敢舉但對具高明識見兼恃會禪會道者每舉東坡點琴操曰門前冷落車馬稀老大嫁作商人婦這兩語有甚蘊奧一百箇便有九十九箇未知下落若曰卽會得中什麼用都是閒言語夢葛藤會得會不得總與他沒交涉鄙人且輕輕向伊道汝輩素日在背地裏密密底所做是什麼工夫也莫嫌不與汝說

復述

卷之二

王墨池員外請師至慈因寺齋畢乃問云昔有僧問
巴陵如何是道陵云如有眼人墮井又僧問老宿如
何是道宿云五鳳樓前又僧問老宿如何是道宿云
脚下泥深三尺師云吾不恁麼乃提數珠繞佛堂供
桌走一轉云大段今時都要求會禪會道者多要求
不要會禪不要會道人似少然但不要會禪不要會
道又烏用求雖然若論前輩明眼知識不同他要教
人悟去恰似把得住底不見大慧令謙道者往張無
垢處達書謙道者自謂我二十年來參禪未有箇入
處此行又當荒廢意欲無行友人宗元者叱曰你途
中便參不得禪耶你但去我與你同行至途中謙哀
告曰我一生參禪殊無得力處今又途路奔波如何
得相應去元告之曰但把你從前往諸方學底會底
禪并圓悟與你說底大慧與你說底總不要理論拈
放一邊途中有難行底事我都替你止有五件事替
你不得須你自己擔當謙曰那五件元曰著衣喫飯
屙屎放尿拖箇死屍在路上行謙遂豁然打破漆桶
不覺手舞足蹈元曰你此番方可達書宜前矣吾且
歸元卽回徑山如何如何墨池領之

師又云現前衆大夫素與貧道盤桓聞蘇雲浦居士

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

識見高明久于此道多與作者游敢有少小葛藤請
教往者蘇東坡令琴操叅禪語前段弗問卽東坡道
門前冷落車馬稀老大嫁作商人婦琴操何所感遂
削髮爲尼士不契師又云大慧當初道我平生好罵
人大喜玄沙勘靈雲道諦當甚諦當敢保老兄未徹
在此言可謂壁立萬仞及後來與靈雲會話了却云
你恁麼方始是徹他後頭却恁麼撒尿撒尿因請益
圓悟悟云他後來恁麼地我也不理會得大慧歸到
寮忽悟遂去告圓悟云大段玄沙作恠悟云且喜你
知也云云居士以爲如何士云師道靈雲已徹否師

云徹士云旣徹得非有辜玄沙乎師云居士將謂吾
所云徹異不徹耶士無語遂問世尊收產難事曰吾
從賢聖法來未曾殺生乃令人傳語至其婦當下便
產何也師云是乃公私兩利何難會之有士云吾輩
以此爲難會久矣緣湛堂準曰設令人傳語未至先
已產了又作麼生設令人傳語洎至不產又作麼生
況雪竇又有頌云云師云此難乃湛堂雪竇公案非
世尊公案也居士所以爲難者蓋緣多了這兩轉葛
藤又要管伊生又要管伊不生所以難吾今但據世
尊語以爲憑準不用這兩段葛藤直管教伊生不管

80 1 2 3 4 5 6 7 8 9 90 1 2 3 4 5 6 7 8 9

100 1 2 3 4 5 6 7 8 9

伊不生便了所以易然即使要用這兩段葛藤貧道判之亦易何也即使其婦緣人傳語至便生或傳語洎至不生莫不皆承世尊之力其或不然即使其婦便產也與世尊沒交涉便不產也與世尊沒交涉吾所以判云甚易甚易

上堂拈拂子示衆云今時初心晚學既在此門中丈人都要求箇入處何不且看保福問長慶云盤山道光境俱忘復是何物洞山道光境未忘復是何物據二老總未勑絕作麼生得勑絕去慶良久福云情知你向鬼窟裏作活計慶云汝作麼生保云兩手扶犁水

過膝若於此會得許你有箇入處倘未會更看老僧這拂子逞神通去也一時跨跳上三十三天繞須彌山泊四天下走一轉下來依然還落在老僧手裏却曰土曠人稀相逢者少珍重

示衆先輩多謂我宗無語句亦無一法與人久在學地聞之脫有不信卽如道信年十四禮僧璨曰願和尚慈悲乞與解脫法門璨云誰縛汝曰無人縛璨曰何更求解脫乎信於言下大悟且看悟底是什麼別又與伊說個什麼法來而今還有一個半個牢拴腰帶緊梢草鞋忙忙底貴圖叅求知識尋訪明師固是

撰述

卷之二

三

好事總是無繩自縛之流

上堂師云大段吾輩旣擔箇學道之名必先於叅訪遇得箇出格宗師明眼知識庶不辜我生平行脚又當要具叅方眼自解作活計始得卽如當初德山_上堂曰問卽有過不問又垂有僧出禮拜山便打僧曰某甲始禮拜爲什麼便打山曰待汝開口堪作什麼還知麼旣來到這所在了須自有大方便有大作用有出身底活路始越得伊這箇續過去果無些些傷鋒犯手處便可謂跳得金剛圈吞得栗棘蓬過得荆棘林許汝天下橫行去纔有些些沾粘犯手且漫漫

張大口說大話在

上堂師云但凡叅方須具擇法眼目不要傳言送語問答之際須識來機出言務要斬截自然活潑深地不見光希慧覺至法眼處眼問近離甚處覺云趙州眼云曾聞趙州有柏樹子話是不覺云無眼云往來皆謂僧問如何是西來祖意州云庭前柏樹子上座何得道無覺云先師實無此語和尚莫謗先師好此是叅方作得主把得住者然法眼當時失却一隻眼我若做法眼纔見慧覺先道無處便云始知上座在趙州住日尚淺所以不知便了又烏用許多葛藤云

撰述

卷之二

三十六

云此喚作賓看主太原孚上座參雪峰纔至法堂上
顧視雪峰便下看知事至明日入方丈作禮云昨日
觸忤和尚峰云知是般事便休此可謂主看賓便是
作得主把得住活潑潑地有決斷具大眼目堪爲人
師範者珍重

潘澹游居士共師對坐言及東坡訪佛印借四大作
禪床以致輸却腰間帶話師問居士當初若作東坡
又作麼生士云我若在那一時自有方便師云連汝
也不會士却問老師若作東坡又作麼生師曰汝道
我如今坐在什麼處士無語

有僧問如何是西來意師云屋北鹿獨宿僧云不會
師云溪西雞齊啼

龍池幻有禪師語錄卷之二終

支那

刀首禪師語錄卷之二

三十五

撰述

幻有譜錄卷二

信士鉢文俊等助資二兩一錢七分
捐資二兩五錢二分刻此
計字九千八百五十六箇
幻有譜錄二卷

龍池幻有禪師閒談晚話序

幻有禪師一日出閒談晚話相示問曰若何余答曰
言言甘露字字醍醐也從前諸尊宿言句令人叅求
未盡者一切拈出又益之以妙語諦義剖肝瀝膽滴
滴見血昔人謂老婆心切信哉吾知徒衆中其多有
憬然悟恍然覺如雷震而萬物皆蘇獅吼而百獸咸
伏者矣然施教者譬之甘雨有應時不應時承教者
辟之良藥有當機不當機不可強之齊也何者一兩
也挿苗則甘登稼則苦矣一藥也熱病而宜寒病則
否矣故有上等醍醐飲之翻爲毒藥者非醍醐之不

佳也飲之者非所當飲也古之善于開示者每令各呈所見隨高下而指示之應時而雨沾之遂暢應病而藥服之斯行蓋能審其時節因緣云爾諸徒衆中得無有聞之如人嚼蠟鑽之如鼠入角者乎安能與憮然悟恍然覺者同其饒益也然余聞佛以一音演說法衆生各各隨所解普得受行獲其利或有恐畏或歡喜或生厭離或斷疑禪師自有神力不共法余未之能知也禪師固曰禹門院裏禪大似他鄉村中箇太醫無多方藥頭止有一帖平胃散不管他風癆鼓膈四百四病一切雜症總與他這一味藥頭茶湯

粥飯醬醋油鹽閒忙動靜行住坐卧到處着些直待他年深月久自然諸病悉痊依還舊日無病之人蓋人固有言下大悟者亦有久之始悟者志不隳而功不輟則今日沃石劄針之語安知非異日發局啟緘之訣哉吾願諸徒衆慎毋深入寶山而空手歸來又母使老和尚啼得血流而不如緘口可爾

萬曆壬子秋仲凝庵居士唐鶴徵書

80 1 2 3 4 5 6 7 8 9 90 1 2 3 4 5 6 7 8 9

100 1 2 3 4 5 6 7 8 9

萬智子子林中發願母士昌題贈書

兵火焚寺尚帶餘血流而不收燐口已禱

大知楚吾祖前卦眾期毋入寶山而空手載來文
不遇煩今日天不憐怪之吾夫取非異日癸卯歲
入固首首不入大部吾亦嘗人之欲吾志不期而忘
脚手寒民人自然前誣遂至於毀譽目無識之人
譖造贊語出鹽門外傳謂吾至固以故首其責

幻有禪師閒談晚話二編序

予昔參笑嚴和尚於京師幻有兄侍焉無何予以病
附餉舶南還而幻有兄侍和尚最久已而徧歷諸方
歸老於龍池顧予衰耄卧疾深谷沾沾自濡不足幻
有兄方慨然以建法幢立宗旨爲已任走使千里遺
我閒談晚話二編徵言以弁昔人謂驅除雜語言而
此編諄諄皆切要語閒談固如是耶得非因慈悲故
有落草之談耶又德山云今夜不答話問話者三十
棒茲乃終宵揮麈疊疊酬應忘倦是且與德山相去
多少卽謂德山答話如雷幻有不說一字亦可也嚴

幻有禪師語錄卷三

三

師往矣門庭有人子何幸樂觀其盛
萬曆辛亥孟冬日古杭雲棲寺法弟秩宏和南書

龍池幻有禪師語錄卷之三

門人圓悟圓修等編

聞談

上堂師陞座祝香次乃云山僧今日強陞此座出乎不意蓋爲我笑嚴和尚有未了底公案乃舉起拂子云此是我笑嚴和尚使不了剩下底者箇夜來跨跳上非非想天然後從四大部洲走一轉穿却釋迦老子鼻孔今日旣落在老僧手中不免舉似過也要與諸人共知見麼若喚作拂子卽觸不喚作拂子卽背今時有一等杜撰禪和便云喚作拂子山僧卽豎兩

換述

外傳禪師語錄卷三

指云恁麼則成兩箇又有等禪和不喚作拂子恁麼
則心外還有剩法只如山僧前者拈出數珠向彼云
還見者箇麼彼云是數珠山僧云還是麼彼云畢竟
是數珠然而不惟我祖師門下有背觸俱非之旨卽
如教乘中亦未首肯在不聞金剛般若云衆生衆生
者如來說非衆生是名衆生卽謂數珠爲數珠者如
來說非數珠是名字數珠早晚向汝道是數
珠來如山僧說卽世間一切法離言說相離名字相
離心緣相更喚作箇什麼如雲門大師云佛之一字
吾不喜聞故不得已而強名之曰道曰心曰佛早是

方便爲接引之辭卽一大時教亦是止帝黃葉耳大
衆今日旣相從老僧在此同甘澹泊卽古人云大家
相聚喫莖莖若喚作一莖莖入地獄如箭射諸人若
會得者一轉語即可杓折拄杖高挂鉢囊歸家穩坐
去又何用南天台北五臺橫挑拄杖倒躡草鞋又要
行甚麼驢脚馬腳去左右顧視云下間定磉上說法
各自奔忙也不差大有一件好笑事冬天著領夏袈
裟下座

戊申曆八日上堂祝聖云此一炷香天不能蓋地不
能載爇向爐中端爲祝延今上皇帝聖躬萬歲仰藉

撰述

弘忍禪師語錄卷三

現前大功德主太常唐公十八年來護法之念殊淡爲道之心彌切兼之地隣遠近十方檀越均此報答就座云靈光不昧萬古輝猷本體洞然自他靡間向上一着由來千聖不傳若其曲順機宜未免入泥入水乃舉起拂子云汝等諸人還會得者個麼良久云本有之性要會有什麼難益謂今時人好聞義理禪并老婆說想起當初忠國師好說老婆禪山僧今日也不免效伊去且如達磨大師自南天竺國特特航海而至此方只說直指人心見性成佛但未委指那個心見那箇性成什麼佛試看伊初遇梁武帝問如

何是聖諦第一義磨云廓然無聖帝云對朕者誰磨云不識如此看來達磨大師大似善治眼底一箇太醫但能刮磨去人眼中底翳病外不能有光明與人可惜武帝護病不肯容達磨刮磨去得眼中翳病奈何使達磨未免一場慚懼而退所以遂擲蘆過江至魏在熊耳山前面壁九年待得個慧可大師出來做了箇割煞且言慧可大師爲求法故立雪齊腰乃至斷臂托呈後云我心未安乞和尚安心磨云但將心竟當恁麼時則未見更有箇指心說話兼有箇見性來我爲汝安可云覓心了不可得磨云我與汝安心

成佛底影子然而在明眼人亦自見得也正是與慧可大師印正得箇無所得心者裏便是直指心體處蓋言爾我人人本有底心本來沒有形相十方求之終不可得如人迷方謂東爲西方實不轉只是湛然不動原與太虛同體本來不會生本來不會滅無方無圓無大無小不垢不淨不增不減無在無不在無是無不是無欠無餘徧一切處而非一切處汝等還要見親切心體麼只是如今現在者裏歷歷孤明惺惺不昧聽老僧說法者是故楞嚴經云空生大覺中如海一沤發有漏微塵國皆依空所生可見十方一

切微塵國土皆出在太虛空中者太虛又出在大覺海中止似一漚泡耳又云大圓滿覺應跡西乾心包太虛量週沙界大槩此心與大覺原同一體馬祖所謂卽心卽佛者此也如何見得蓋謂認得此廣大心體了便是大覺世尊所謂心外無別佛佛外無別心古人謂心佛衆生三無差別何謂衆生蓋謂迷此廣大心體了不能認得故謂之衆生楞嚴云棄却四大海水唯認者一浮漚四大之體爲自身相六塵緣影爲自心相甘作衆生只在四生六道之中出此入彼生生死死無有休息之時故此心佛衆生只是一體

一撰述

妙法蓮華經卷三

四

而有三名耳所以衆生在迷中此心不會虧欠了些
 些卽在大覺分中也未曾有增添了些只此大覺
 佛不是修成得的佛若是修成底還有壞日者是本
 源自性天眞佛卽是法身佛不是報化佛故云報化
 非真佛亦非說法者有問但未委法身佛還會說法
 否師云卽溪聲山色水鳥樹林終日放光說法音吼
 動地自是汝未曾聞耳又問但未委性者爲何師云
 真性心地藏無頭亦無尾應緣而化物方便呼爲智
 所謂真智無知無所不知所言法身者非單指太虛
 無物而言卽三千大千十方諸國土總是一箇大法

身耳何也以般若云色卽是空空卽是色故從本以來
 色心不二以色性卽智故色體無形說名智身以
 智性卽色故說名法身徧一切處所現之色無有分
 際故云色大法身大凡是見色便是見心故永明壽
 禪師所謂未達境唯心起種種分別達境唯心已分
 別卽不生蓋謂汝等平昔所見現前種種物景不是
 自已分內具底便有分別心起耳故云若人識得心
 大地無寸土然則難道大地之土無了不成蓋卽色
 卽心故又若有一人發真歸源十方世界悉皆消殞
 在老僧則不然若有一人發真歸源築者蓋著天地

日月萬物性情森羅萬象草木昆蟲樓臺殿閣凡有
色質形像無非是此心此心卽佛耳故教中云若有
一人成佛時普觀大地有情無情皆悉成佛信矣山
僧如此說成佛但容易了只恐汝等信不及不肯承
當耳汝等還知麼夜來釋迦佛成道天明箇箇食香
糜眉毛生在眼額上試問諸人知不知下座

上堂師云古之天地日月猶今之天地日月古之萬
物性情猶今之萬物性情天地日月固無變也萬物
性情固無易也世既如此依然仍舊道至於今胡爲
而獨變哉古人所謂人能弘道非道弘人操則存捨

則亾然非道去人而人去道也正當恁麼時如何是
道山僧所謂無心是道汝等人在日用中但得於
心無事於事無心自然頭頭上現物物上彰左右逢
源縱橫自在拈來無不是用處莫思議所謂著衣喫
飯也是道屙屎放尿也是道一動一靜一語一默在
忙在閒無非是道瞬目揚眉也是道豎拳豎指也是
道搖鈴杵輒木毬也是道呈橈舞棹也是道攀弓
架箭也是道隔江招手也是道吹布毛看桃花聞擊
竹也是道有一婆子供養老僧三十年每令二八女

換述

卷之三

六

子送飯伊喫婆子一日囑令女子抱任云正恁麼時
如何老僧云枯木倚寒巖三冬無煖氣女子歸舉似
婆子婆云三十年來祇供養得個俗漢遂放火燒却
菴也是道東坡一日問道于子由子由報以佛語曰
本覺必明無明明覺居士欣然有得於孔子之言曰
詩三百一言以蔽之曰思無邪夫有思皆邪也無思
則土木也吾何自得道其唯有思而無所思乎於是
幅巾危坐終日不言明日直視而無所見攝心正念
而無所覺於是得道也是道一日有尼問趙州如何
是密客意州把尼臂捏一把尼云和尚還有者個在州云你還有者個在

也是道又僧問趙州學人乍入叢林乞師指示州問
你喫粥也未僧云已喫粥了州云洗鉢盂去也是道
有問答云城外底也是道透長安底也是道五鳳樓
前底也是道乃至在家男女迎賓送客也是道抱子
引孫也是道日應萬酬總是道績紵撚麻也是道紡
紗織布也是道刷鍋洗碗也是道做飯燒茶也是道
搬柴運水也是道凡有施爲動作不施爲動作總是
道咳唾掉臂啞鼻子打奮嚏也是道東村頭張婆婆
與西村頭李阿媽倚門相罵也是道鄉裡小哇哇搓
成泥彈子燒路頭也是道不聞法華經云乃至童子

戲聚沙爲佛塔皆以成佛道古人以蛇虎爲鄰也是道鷗鳥見人飛去也是道不飛去也是道鴉子見人飛去不飛去總是道故龐居士云但自無心於萬物何妨萬物常圍繞鐵牛不怕獅子吼恰似木人見花鳥木人本體自無情花鳥逢人亦不驚心境如如只是何慮菩提道不成久立珍重

小參師云前者所言卽心卽佛昨又云無心是道兩種說話較來雖是古人先道過底本無分別然在老僧分上不會體帖得明白則未敢向諸人面前道出來大槩汝等本來不曾苦心一廻雖爾聽得只作尋

常容易放過去了也怪伊不得在他古人三二十年除_正時粥飯是雜用心工夫方得打成一片既到者箇田地則觸處洞然頭頭是道非離真別有立處以立處卽真故更說箇見性成佛且何者爲性卽無分別智是非但智之一字卽見聞覺知無非總是性體教中等閒說見性聞性覺性以見卽性性卽見耳不可以見更見於見故楞嚴經中佛告阿難云若見是物則汝亦可見吾之見若同見者名爲見吾吾不見時何不見吾不見之處若見不見自然非彼不見之相若不見吾不見之處自然非物云何非汝性見聞

撰述

卷三

覺知之義亦復如是以性體周徧滿法界故凡有所見卽見性故金剛般若云凡所有相皆是虛妄若見諸相非相卽見如來如來者卽真如自性也汝等但能於十二時中提得起放得下不作妄想之見不起分別之心卽華嚴經云佛身充滿於法界普現一切羣生前隨緣赴感靡不周而恒處此菩提座耳卽當初東坡居士尚得道於子由云明目直視而無所見攝心正念而無所覺於是得道況吾輩爲離塵脫俗之流有何所爲而不曾證得耶久立珍重

小參師云十方同聚會個個學無爲此是選佛場心

空及第歸大槩汝等初未嘗辨得無求之念兼未歇得妄想之心乍聞老僧說箇無心是道卽心卽佛則不易便信需用老僧重重勸誘方有入處所言學無爲者須是看他從上古人學底樣子昔者藥山打坐石頭見而問云你在者裡作麼山云一物也不爲頭云恁麼則閒坐耶山云閒坐則爲也又巖陽尊者問雲門一念不起時如何門曰須彌山又僧問趙州云一物不將來時如何州云放下著云旣一物不將來更放下個什麼州云若放不下則擔取去又僧問雲門樹凋葉落時如何門云體露金風又馬祖問藥山

近日見處如何山云皮膚脫落盡唯有一真實又見石頭頭云此之所見可謂協於心體布於四支且將三條箋束取肚皮隨處在山去山云某甲又是何人敢云住山頭云不然未有長行而不住未有長住而不行欲益無所益欲爲無所爲宜作舟航無久住此又臨濟問黃蘖三遭痛棒後見大愚得悟乃云原來黃蘖佛法無多子大愚云者屎床鬼子纔問說有過無過又道佛法無多子見箇什麼臨濟向大愚協下築三拳大槩直待證到心空及第處爲了首纔是到家時節所言無心者若不得六塵境界現前要見

吾心終不可得故云心由境現境由心彰凡是見境即是見心金剛經云應如是生清淨心不應住色生心不應住聲香味觸法生心應無所住而生其心但於六塵境上無取著念無分別心則得無方清淨故云色清淨故般若清淨般若清淨故法身清淨卽昨日云理事無礙法界借卓子爲說者正要喻明卽心卽佛易曉故耳且言舉起卓子全體是一塊木頭舉起木頭通身是一張卓子以卓子外無木頭以木頭外無卓子以木頭喻理卓子喻事卽事理無礙不差當此心外無佛佛外無心亦爾不但外之見色便是

見心卽內之五陰色外無心心外無色亦爾又不但
在我一人獨占了不成卽而今現前人人各具一箇
法界互攝互融俱不相妨礙又永明以一心爲宗萬
法爲鏡以萬法照我一心以一心攝盡萬法信矣故
永嘉大師云一月普現一切水一切水月一月攝是
也珍重

小參師云汝等但於十二時中第一要不起分別之
念不作妄想執情則此心卽是佛佛卽是此心此心
歷歷孤明惺惺不昧者是此心雖無形相亦不離形
相卽世間無一物不屬吾心以吾心之外無一物耳

故謂此心卽佛佛卽此心故般若云一切智智清淨
無二無二分無別無斷故卽一切智一切種智在佛
菩薩分上說唯佛能證一切種智故下一智字總在
心分上說一云根本智一云無分別智一云真智所
言真智者真智無知無知則無所不知以無知在心
以無所不知在佛以無知故無所不知故云無二無
二分無別無斷故昔日馬祖所謂卽心卽佛者此也
南泉又謂不是心不是佛不是物者爲何以山僧今
日所言但指目前事事法法離言說相離名字相離
心緣相便休更不用說是心是佛亦不用說非心非

佛不見楞嚴經中文殊所謂吾真文殊無是文殊無非文殊中間實無是非二相若云是則有二文殊矣若言非則卽此文殊亦非矣你看臨濟大師則不同他二者之言上堂則云汝等諸人赤肉團上有一無位真人常從汝等面門出入初心未證據者切須看看有僧問如何是無位真人臨濟下禪床擒住見此僧眼目定動遂托開云無位真人是什麼是乾屎橛便休珍重

上堂師云當初臨濟大師晚參示衆云老僧有時奪人不奪境有時奪境不奪人有時人境俱奪有時人境俱不奪當時有僧問如何是奪人不奪境大師便與伊下箇註脚云煦日發生鋪地錦蓋謂日初出時照見山青水綠柳暗花明朱紫玄黃森然滿目如成一片錦繡相似者是一團境像言嬰兒垂髮白如絲者者一句便是境勝奪人底說話又問如何是奪境不奪人大師云王令已行天下徧則率土之濱莫非王臣普天之下莫非王土使天下皆知有個王在則萬緣自然寢息將軍塞外絕煙塵者者一句見得有將軍一人威震塞外總有萬頃煙塵自然頓息無餘便是奪境不奪人也又問如何是人境俱奪大師云

撰述

卷之三

三

并汾絕信卽并汾兩地覓音信尚不可得要見其人
豈可得乎卽獨處一方落地亦不可得所以境界亦
無又問如何是人境俱不奪大師云王登寶殿當恁
麼時滿朝朱紫羅列現前人境俱完矣野老謳歌正
是太平之世則其境像可知在老僧今日好說現成
話如何是奪人不奪境卽僧問趙州如何是西來意
州云庭前柏樹子如何是奪境不奪人卽趙州當初
問臨濟如何是西來意濟云却值老僧洗脚趙州象
頭作聽勢濟云汝更要第二杓惡水潑邢州休去如
何是人境俱奪不見藥山當時參石頭云三乘十二

分教某甲已粗知其旨更聞南方說箇直指人心見
性成佛實未明了望和尚指示石頭云恁麼也不得
不恁麼也不得恁麼不恁麼總不得如何是人境俱
不奪如藥山又如前問馬祖祖云我有時教伊揚眉
瞬目有時不教伊揚眉瞬目有時教伊揚眉瞬目者
是有時教伊揚眉瞬目者不是藥山卽當下開悟遂
禮拜祖云你見個什麼道理便禮拜山云某甲在石
頭處如蚊子上鐵牛相似此卽人境都在其中矣老
僧末後更有一轉語在如何是奪人不奪境乃豎起
拂子云汝等還見者個麼如何是奪境不奪人老僧

撰述

卷之三

三

當初不明得者箇拂子參了三十年那時節止有老僧在如何是人境俱奪自擲下拂子七八年以來覓自己了不可得況有拂子如何是人境俱不奪舉起拂子云老僧今日方纔得伊力便是全體作用纔喚作拂子不妨又是老僧纔喚作老僧不妨又是拂子畢竟喚作老僧是喚作拂子是若道拂子畢竟還他是拂子老僧畢竟還伊是老僧便成了凡夫着相之執分別妄想之見若道老僧卽是拂子拂子便是老僧又成了罷侗真如顛頽佛性青黃不辯黑白不分當此之際可謂一毫頭上現寶王刹坐微塵裏轉大

法輪汝等衆中還有會得者麼若會得趁早出來與老僧通箇消息若一總不會得且喚侍者收起者拂子異日還可指示他人久立珍重

晚參師云金剛般若云應如是生清淨心不應住色生心不應住聲香味觸法生心應無所住而生其心然其心有真如心有生滅心有清淨心有分別心雖有種種不同究竟總是一心原無二道只是所生處不同故有異耳且言世間一切萬法總不出色聲香味觸法上盡無餘矣果於此色聲香味觸法上無住着相無貪染念則所生乃是清淨心清淨心卽真如

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

心倘於色相一法上有所住着則分別心不得不生一有分別便有美醜好惡卽醜惡色相厭惡棄捨無所繫心若其美好色相上則起愛念一有愛念便有貪染取着繫念不忘若生滅念起真如心隔絕清淨心則不現前矣聲香味觸法亦復如是汝等但於十二時中卽色聲香味觸法上不起一毫住着念頭其清淨心自然發見以心清淨故則色聲香味觸法清淨以色聲香味觸法清淨故則般若清淨以般若清淨故則法身清淨一法身清淨故則多法身清淨以多法身清淨故恒河沙法身清淨一恒河沙法身清淨故恒河沙法身清淨以百恒河沙法身清淨故則千恒河沙法身清淨以千恒河沙法身清淨故則萬恒河沙法身清淨以萬恒河沙法身清淨故則億恒河沙法身清淨以億恒河沙法身清淨故則百萬億恒河沙法身清淨以百千萬億恒河沙法身清淨故則不可說恒河沙法身清淨以不可說恒河沙法身清淨以無方恒河沙法身清淨故則無邊刹海不可說不可說恒河沙法身清淨故則無方恒河沙法身清淨以無方恒河沙法身清淨故則無邊刹海自他不隔於毫端十世古今始終不離於當念師豎

授迷

卷三

三

起拳頭云還見者個麼智水湛然滿浴此無垢人汝等且住更有一篇散說話與你們說了去你們不論在家出家既然拋開子各自有箇家業來在者裏相從老僧坐禪聽法時光易過莫作等閒不覺又過了十日半月到來了我昨日雖與你們說個卽心卽佛無心是道見汝等似有如無全然不肯着一毫意念只教老僧終日與你們口吧吧底說也沒有了日也只要你們領會得體解得便不辜負老僧果然不着意不體會老僧總有佛法亦無心情說亦無一字可說矣若是汝等果然猛着精彩在蒲團上做一回工

夫直得白嘆出於口邊青草生於舌上千聖喚不回頭百鳥都無尋處形同枯木心若死灰智閑遠水孤峰性寂寒潭皎月然後眼如耳耳如鼻鼻如口口如心如冷灰裏荳爆相似大死一回甦醒起方纔合得無心是道卽心卽佛體貼相應不會而自會不解而自解不假一毫勉強那時節使老僧說佛法愈說愈有佛法不知從何處來可惜汝等到那一時只是不要聽不欲聞了故云丈夫自有冲天志不向古人行處行又肯向人口裏討分曉求決擇在老僧到那時方纔不恠得你不然不見當初石霜遷化後衆議舉

堂中第一座接續住持獨有九峰虔侍者不肯云待某甲勘過會得先師意則可九峰對衆問云且如先師道休去歇去一念萬年去寒灰枯木去一條白練去古廟裏香爐去明什麼邊事首座云明一色邊事九峰云恁麼卽未會先師意在首座云粧香來我若未會先師意香煙起處我脫去不得首座當時便坐脫九峰撫首座背云坐脫立亾卽不無會先師意未在大概斯事貴明道眼爲本十年前老僧有云首座當時見九峰問明什麼邊事只消輕輕豎起拳頭云止明得者個事任伊九峯有無窮伎倆也只得含糊

而退少他住持不得汝等豈可飽食終日無所用心耶珍重

晚參師舉昔日有僧問馬祖云離四句絕百非請師直指西來意四句者何是有句無句非有非無句非非有非非無句因者四句便生出種種百非句來了四句旣離百非自絕大概西來意總不出此四句外故僧以此來問祖祖云我今日無心情與汝說得但問取堂中智藏去藏云何不問和尚僧云和尚教我來問藏云我今日頭疼不能爲汝說問取海兄去海云我到者裏也不會僧回舉似馬祖祖云藏頭白海

頭黑便了汝等還知西來意麼若道他答伊我見伊父子三人不曾承當答個什麼若道他不曾答雁過久矣若老僧則不然何務要當當做成了箇兒賣鴨蛋去我若做馬大師待者僧來問我但輕輕向他道汝見老僧眉毛還在眼上麼他若再道個什麼但召他近前來待來時與他驀臉一摑云我只道你是個人不料汝是個野狐精不唯使者僧別有個生機亦弗致令黑漆墨地去老僧如此判斷衆中有會得者麼良久云若有人會得點取一甌茶來與老僧喫了歇去

上堂師云靈光耿耿智體如如今古洞然聖凡靡間若論卽心卽佛更無少法曾逃化外玄機要知卽事卽理焉有一物度越環中妙旨若彼若此咸登般若慈航是實是權共到菩提覺岸何智愚之有隔笑纖悉之不周凡在法筵惟當顧鑒良久云喫一聲將下座有問龐公云但願空諸所有慎勿實諸所無何耶師云以世人見有爲有故云但願空諸世人情執以有爲有耳不是併去其所有之物故若併去其所有之物則以無爲無矣既以無爲無遇緣則不應有若以有爲有離緣則不應無所以有旣不有則無無也

故云但願空諸所有慎勿實諸所無耳有問黃蘖和尚云此心卽法此法卽心心外無法法外無心心自無心亦無無心者如何師云汝欲識心自合見法若能見法自合識心我故所謂無心是道者以此故也有問鱗甲羽普現色身三昧一切放下須知有向上一着子在師云汝還見老僧眉毛麼直饒汝見得老僧眉毛汝自己眉尚未照顧得在有問華嚴童子身中入正定壯年身中從定出壯年身中入正定老年身中從定出乃至東方世界入正定西方世界從定出南方世界入正定北方世界從定出如何師

云我故所謂汝等但於十二時中不生分別之念不作妄想之情盡虛空大地總是一真法界旣屬一真法界世間更有何差別境現前爲對爲敵所謂法界一相便是如來平等法身依此法身說名本覺又云那伽常在定無有不定時纔見有對待境現前心生便是出定所必然方亦無定所故楞嚴云東看則西南觀成北所以云東方世界入正定西方世界從定出南方世界入正定北方世界從定出云云凡屬對待法中皆如此例卽如善財繞妙高峰七日不得見德雲比丘忽一日向別峰相見亦是出定義下座云

撰述

弘明集卷三

參

有問華嚴偈云知世皆無生乃是見世間如何是世間無生師云以生卽無生無生卽生故如中論云世間眼見劫初穀不生何以故離劫初穀今穀不可得若離劫初穀有今穀者則應有生而實不爾是故曰不生又世間諸法原不從因性生是故云無生耳大概本無今有祇可說生不可說不生本有今無祇可說不從共性生亦不從自性生亦不從他性生亦滅不可說不滅若本有今亦有便可說不生亦可說不滅若本無今亦無亦可說不生亦可說不滅耳故

云知世皆無生乃是見世間也

僧問文殊問庵提遮女曰生以何爲義女曰生以不生生爲生義殊曰如何是生以不生生爲生義女曰若能明知地水火風四緣未嘗自得有所和合而能隨其所宜是爲生義殊曰死以何爲義女曰死以不死死爲死義殊曰如何是死以不死死爲死義女曰若能明知地水火風四緣未嘗自得有所離散而能隨其所宜是爲死義女曰明知生是不生之理爲什麼被生死之所流轉殊曰其力未充若問老僧但答生義死義二種如龍樹所謂諸法不自生亦不從他

撰述

玄有禪師語錄卷四

生不共不無因是故知無生又諸法不自死亦不從他死不共不無因是故知無死兼如彼彼不相到各各不相知生不知死死不知生因不知果果不知因業不知報報不知業又如河中水湍流競奔逝各各不相知諸法亦如是前不知後後不知前而已亦如進山主答修山主云者個是監院房那箇是典座房同若曰明知生是不生之理爲什麼被生死之所流轉卽如文殊云其力未克老僧實未知也

龍池幻有禪師語錄卷之三終

嘉興信女孫門洪氏法名通紹捐資刻
語錄三卷計字八千五百四十該銀四兩二錢七

龍池幻有禪師語錄卷之四

門人圓悟圓修等編

閒談

臘月三十日上堂舉雪峰在德山作飯頭一日飯遲德山托鉢向法堂上從東過西從西過東雪峰云者老和尚鐘未鳴鼓未響托鉢向什麼處去德山托鉢歸方丈雪峰舉似巖頭頭云大小德山不會末後句德山聞得令人喚巖頭至云你不肯老僧那岩頭密啟其意明日德山上堂果與尋常不同岩頭出撫掌呵呵云且喜者老漢會末後句天下人沒奈伊何雖

撰述

卷之三

然如是祇活得三年師頌云德嶠當時無侍者自持鉢去要渠知儂家自是無分曉猶向岩頭問是非末後句更休題密啟其意罕人知不是鰲山成道罷直至而今未解頤老僧今日正當年盡月盡亦有個末後句云歲事盡從今夜畢來春應屆歲朝知下座已酉朔旦上堂云三陽開泰萬物生輝天下太平人間樂業所謂道年新月新日又新現前佛法一時新豎起拂子云汝等各各直須認取者一着要緊遍地作金容易事百年難遇歲朝春良久咦一聲云新年頭佛法不可多說便下座

新正七日上堂云老僧今日特陞此座蓋謂芙蓉太毓禪師道場諸善知識專爲老僧設齋愧老僧出家礪行於他方三十有八年來別未成得些些事僅得個心地法門不免布施大衆此非我一人獨得者卽今現前若有一人欠少些些老僧情愿管包補且如臨濟大師當時道有一無位真人常從汝等面門出入初心未證據者切須看看據老僧判若說是無位真人不用說出入但言無內無外原與太虛同體無大無小無方無圓無生無滅無短無長無高無下無欠無餘說到此但云老僧今日昏憒便下座

撰述

卷之四

次日上堂二五有昨日底公案未完老僧昨者大似鄉
裏一老婆子穿却三尺三寸一條大布裙通身水溼
了一步也走不得大意老僧初心見大眾以佛法難
會務要與大眾直說分殊不知此本來礙口說不
得第一恐成了實法第二恐成了冬瓜印予以故難
言未有割煞且如雲門大師道乾坤之內宇宙之間
中有一寶蔽在形山此四句儘可穿鑿理會有形生
於無形無形則托於有形者若曰拈燈籠來佛殿裡
將山門來燈籠上又向那裡摸索去既說是個真人
一真一切真無內無外無有冤親說箇無位卽如東

西南北四維上下何有向背且道者個真人坐在有
上坐在無上坐在空上坐在色上坐在生上坐在死
上坐在是上坐在非上坐在彼上坐在此上坐在好
上坐在惡上坐在美上坐在醜上坐在香上坐在臭
上坐在苦上坐在甜上坐在酸上坐在辣上坐在長
上坐在短上坐在去上坐在來上坐在定上坐在不
定上坐在大上坐在小上汝等切莫將者個無位真
人認做了臨濟大師底亦莫看做了是老僧底臨濟
大師分明向你說汝等人人有個無位真人我且問
汝等各人者個赤肉團也還有一點點空寂也無若

撰述

卷四

有一點點空竅時比如此太虛空還有兩樣也無汝等各各檢點看揣摸看果然與此個真人相應有個影響與老僧通個消息若一總無得不如各自歇去珍重

上堂師云昨日有求授記成佛底上前來老僧想起你們要授記便不得滿你們底心須待彌勒佛出世時始得相應若彌勒佛已前無你們成佛處不如我老僧現今證據你們成佛恰易又不但爲彼在家善信男女亦爲現前大衆各各俱要證據成佛去權作個安樂小歇場地汝等各各切心諦聽汝等暫把僧

中種種妄想一齊放下檢點六根諸塵勞緣唯見聞二種爲勝於日用二六時中眼見種種色相耳聞種種音聲切忌無生分別異念不起妄想執情時卽見色聞聲之性當下便爲無分別智此無分別智便是汝等真如自心此心卽是佛是什麼佛是本源自性天眞佛此天眞佛外無別有佛亦無別有心所有者但分別心妄想心惟此二心最可忌者故華嚴經云一切衆生具有如來智慧德相但以妄想執着而不證得者又但不生分別心纔生着便爲外物所轉故楞嚴云若能轉物卽同如來故云迷人被物轉智人

撰述

卷一百一十五

能轉物唯證據此佛時如何是佛境界但在異時言下座

上堂師云古人所謂道無方行者莫能至又中觀云觀方知彼去去者不至方信矣不其然哉蓋吾人心一而已大端語方則不容以有道云道則不容以有方以道卽方而方卽道然其勢固不能兩容豈復並舉而兼得之耶試按時人妄計有東西南北四維上下如金剛經佛問須菩提云東方虛空可思量不須菩提言勿也世尊南西北方四維上下虛空亦復不可思量以其妄計非真故云不可思量以真實有故

乃可思量其實無故不可思量然其實不可以有無必故若以爲有無際可得若以爲無現見有東西南北四維上下若欲盡其限際如法華壽量品喻以三千大千世界磨以爲墨過東方千佛國土乃下一點又過千佛國土復下一點又過千佛國土復下一點如是乃至下盡三千大千世界塵墨復將點過國土點着點不着者復盡磨爲塵墨再過東方千佛國土乃下一點又過千佛國土復下一點如是乃至下盡如前國土塵墨還知其限際不然以東方限際如此乃至南西北方四維上下虛空亦復如是無有限

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

際以虛空如是故至我此心亦復如是廣大無有限
際以我此心如是故乃至如來法身亦復如是廣大
無有限際彌滿清淨中不容他故華嚴經云佛身充
滿於法界普現一切羣生前隨緣赴感靡不遇而恒
處此菩提座昔日有箇座主引一行者入殿禮佛行
者因垂佛身座主呵責云不可垂佛行者却曰將個
無佛處與我垂來傍有俗士云怎麼底倒不怎麼不
怎麼底恰怎麼師云我與伊做箇解交庵戌魯戌魯
婆訶便下座

上堂師舉昔日有一耆宿上堂云老僧三十年已前

見山是山見水是水中間得個入處見山則不是山
見水則不是水老僧今日休歇得見山依舊是山見
水依舊是水師乃云我見全剛經云須菩提若善男
子善女人以三千大千世界碎爲微塵於意云何是
微塵衆寧爲多不須菩提言甚多世尊何以故若是
微塵衆實有者佛卽不說是微塵衆所以者何佛說
微塵衆卽非微塵衆是名微塵衆世尊如來所說三
千大千世界卽非世界是名世界何以故若世界實
有者卽是一合相如來說一合相卽非一合相是名
一合相須菩提一合相者卽是不可說但凡夫之人

撰述

金剛經疏

貪着其事若有未解者個因緣者但看向下底註脚
意自分明珍重便下座

上堂師舉起拂子云老僧今日借取者拂子一時說
法直得三世諸佛立地聽汝等現前各各俱信得及
麼倘你信得須知諸佛當初未嘗有衆生可度不聞
般若云若有衆生爲如來度者如來卽有我入衆生
壽者四相四相宛爾如何度得衆生如是始信衆生
度盡恒沙佛諸佛何曾度一人老僧今日若不爲汝
等證明便成了虛語我此拂子說法卽是華嚴云塵
說刹說衆生說三世十方一切佛說熾然說無間說
卽塵說利說衆生說三世十方一切佛說熾然說無
間說便是拂子說如何是三世諸佛立地聽三世者
三際時也若已併息萬緣廻光返照收視返聽回觀
自性則得靈音屬耳迦陵仙音徧十方界卽是過去
佛若當下便得併息諸念萬緣放下廻光返照獲聞
靈音屬耳迦陵仙音徧十方界便是現前佛若未得
併息諸緣妄念未曾休歇得靈音屬耳迦陵仙音弗
能相應者便是未來佛此豈不是衆生因緣度盡恒
沙佛諸佛何曾度一人耶又老僧昔年指風搖竹子
問匠人云爲是風搖竹子竹子搖風匠人云還是風

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

撰述

卷之三

搖竹子豈竹子能搖風乎老僧云若無竹子你向何處又見風乎匠人云便是老僧曰不聞性空真風性風真空清淨本然周徧法界乎止止不須說我法妙難思珍重便下座

上堂師云浮山遠錄公云夫天地間誠有易生之物使一日曝之而十日寒之亦未見有能生者然天地間易生物無如菖蒲草并蘆葦最易生易長者設當暄暖了一日倒陰寒却十日則亦不見有生機矣比今之無上妙道實昭昭在於心目之間何難見之有既在心目之間則合觸處洞然現前明白自然頭頭上

現物物上彰故云至道無難唯嫌揀擇而已要須知心目之外還有落地也無請大眾試檢點看若檢點不出須知還是黑瞳瞳地說甚坐立可待況有一日信而十日疑之者又則有朝勤夕怠者如此則豈獨目前難見余恐終身而不得見之矣惜乎汝等堂堂爲出世丈夫反不如當初一在俗妓女不見東坡居士一日與琴操游西湖云我今日做個長老你作個禪和子試與你參禪何如操云使得東坡乃問曰如何是湖中境操云落霞與孤鶩齊飛秋水共長天一色又問如何是境中人操云裙拖六幅湘江水髻挽

撰述

公有福白言錄卷四

巫山一段雲又問如何是人中意操云隨他楊學士
鰲殺鮑參軍乃云如此究竟如何東坡因點曰門前
令落車馬稀老大嫁作商人婦琴操歸遂削髮爲尼
若此一撥便轉可謂之丈夫否乎我見今時人儘力
要會門前令落車馬稀老大嫁作商人婦猶不可得
者師乃豎起拂子云汝等還見者個麼明朝更有新
條在惱亂春風卒未休下座

上堂師云今日陞座爲昨者公案未完旣云無上妙
道昭昭然在於心目間者卽如東坡與琴操參禪事
又豈在心目之外耶且答東坡問湖中境境中人人

中意之說豈是琴操分外事乎洎後東坡點琴操云
門前令落車馬稀老大嫁作商人婦二句語老僧從
南往北從北還南數年以來驗人多矣問着一百個
有九十九個會不得昨日復拈起問衆中雖有一箇
半箇似乎會得終未透徹不可老僧意老僧忍之不
已不免今日與汝等說破去蓋此兩句語不出褒貶
二字點他而已遂使琴操慚惶無地以故削髮耳有
甚難會處然在東坡分上旣見伊有如此本領如此
識見不得不褒獎伊道門前令落車馬稀也難得人
到者個所在此不爲過褒也又旣見伊但爲貪戀了

撰述

弘有禪師語錄卷四

者兩件事割不斷捨不得以此。也不爲過貶也。然而無上妙道既不出汝等諸人。心目間又何用老僧重重開示一一指呈耶。但要汝等試檢點心目之外。更有落地處也。無若真實檢點。不出莫說。要見無上妙道不難。且老僧如今也有個末後句。不免舉似大衆。知道。遂擲拂子不受禮拜竟趨方丈。

上堂師云。老僧出家三十八年來。不爲別事。祇要明得人人本有個個不無者一着子。且如釋迦當時出世。談經三百餘會。說法四十九年。將臨涅槃。文殊請留住世。再轉法輪。世尊曰。文殊。將謂我四十九年。曾

說法耶。你如何又請我再轉法輪也。止爲者一著子及拈花示衆時。人天百萬中。竟無會得者。獨迦葉一人破顏微笑。可見要領會者一着也。難得其人。繼後有二十八祖。達磨從南天竺國特特航海來至此方。只說直指人心見性成佛。但未見有指心見性成佛底說話。若校他釋迦。曾說法。謂不曾說法。可信。卽達磨。直指人心見性成佛之說也可信。若言釋迦。佛。曾說謂不曾說。信不及。卽達磨之說亦有信不及處。因見永嘉云。心不是有心。不是無心。不非有心。不非無云云。并僧問馬祖。離四句絕。百非。請師指示。西來意。

便見馬祖智藏懷海父子三人亦不易說并見金剛經云應如是生清淨心不應住色生心不應住聲香味觸法生心應無所住而生其心信矣若如六祖解息風幡之爭云非風動非幡動乃仁者心動蓋言佛祖出世總是一期應機之說原無實法與人故云但有言說俱無實義若言動既屬於吾心則不動處不屬吾心矣故楞嚴云若有一人發真歸源十方世界悉皆消殞并若人識得心大地無寸土便見此中無跡可指難道十方世界并大地土都從何處去了龐居士又云但願空諸所有慎勿實諸所無是也蓋言

認得心性時可說不思議只是不見世間有餘物矣故龍樹偈云因緣所生法我說即是空亦名爲假名亦名中道義未曾有一法不從因緣生是故一切法無不是空者若此看來如何又恠得達磨不說耶要信此心無跡可指無相可着既無指處則無有不是處信矣若要見性甚易在眼曰見性在耳曰聞性在鼻曰嗅性在舌曰嘗性在身曰觸性在意曰法性只在尋常日用間無內無外非近非遙不曾生不曾滅謂靈光獨耀迥脫根塵體露真常不拘文字心性無

撰述

卷之四

二

染本自圓成但離妄緣卽如如佛珍重下座
二月一日上堂云開了年輕輕把正月一月過去又

是二月一日矣汝等參禪不得力無効驗何不看他
前代古人五祖和尚一日云我這裡禪似個什麼如
人家會作賊有一兒子一日云我爺老後我却如何
養家須學個事業始得遂白其爺爺云好得一夜引
至巨室穿窬入宅開櫃乃教兒子入其中取衣帛兒
纔入櫃爺便閉却復鎖了故於廳上扣打令其家驚
覺乃先尋穿窬而出其家人卽時起來點火燭之知
有賊但已去了其賊兒在櫃中私自語曰我爺何故

如此正悶悶中却得一計作鼠齒聲其家遣使婢點
燈開櫃櫃纔開賊兒聳身吹滅燈推倒婢走出其家
人趕至中路賊兒忽見一井乃推巨石投井中其人
却於井中覓賊兒直走歸家問爺爺云你怎樣儘做得者是一
種做得去底伶俐禪尚有一種蠢全做不去底癡禪
一總與你們說知去往者齊之國氏大富宋之向氏
大貧自宋之齊請其術國氏告之曰吾善爲盜始吾
爲盜也一年而給二年而足三年大壞自此以往施
及州閭向氏大喜喻其爲盜之言而不喻其爲盜之

撰述

卷之三

三

道遂踰垣鑿室手目所及亾不探也未及時以贓獲罪沒其先居之財向氏以國氏之謬已也往而怨之國氏曰若爲盜若何向氏言其狀國氏曰嘻若失爲盜之道至此乎今將告若矣吾聞天有時地有利吾盜天地之時利雲雨之滂潤山澤之產育以生吾禾殖吾稼築吾垣建吾舍陸盜禽獸水盜魚鱉亾非盜也夫禾稼土木禽獸魚鱉皆天之所生豈吾之所有然吾盜天而亾殃夫金玉珍寶縠帛財貨人之所聚豈天之所與若盜之而獲罪孰怨哉向氏大惑以爲國氏之重罔已也過東郭先生問焉東郭先生曰若

一身庸非盜乎盜陰陽之和以成若生載若形況外物而非盜哉誠然天地萬物不相離也認而有之皆惑也若把世間萬物果然識不破看不透不得不被其惑國氏之盜公道也故亾殃若之盜私心也故得罪有公私者亦盜也這是常常在繩墨上不犯規矩禮法底亾公私者亦盜也這是如白晝攫金底但見其金不見其人者公公私私天地之德知天地之德者孰爲盜耶孰爲不盜耶老僧恐以世間法與出世間法俱不免爲盜并兼其爲盜之言而不諭其爲盜之道故併說之耳珍重

撰述

卷之四

上堂師云竭盡去也直得三世諸佛口挂壁上山僧
 今日于一毫端上現寶王刹乃至十方諸佛國土瓊
 樓寶閣金壁裝嚴交輝映徹以至法界崢嶸汝等爲
 什麼都不見得山僧今日坐微塵裏轉大法輪以至
 塵說利說衆生說三世十方一切佛說熾然說無間
 說汝等爲什麼都不聞得汝等既都不見不聞者蓋
 是汝等參禪學道途路中未得力故乃豎起拂子云
 汝等若向者裡荐得悟得認得真了時卽喚者個作
 拂子也得不喚作拂子也得卽將一微塵現出十方
 佛國土也得攝十方佛國土於一微塵中也得正所

謂把住放行全在我收來散去更由誰若未能荐得
 悟得見得不真時休說要將塵勞爲佛事變大地作
 黃金卽喚者個作拂子也不得不喚作拂子也不得
 如何老僧今日喚作拂子卽得爲我不作拂子用故
 如何不喚作拂子亦得爲我却作拂子用故雖然我
 有時喚作拂子便作拂子用不喚作拂子便不作拂
 子用又有時喚作拂子也作拂子用不喚作拂子也
 作拂子用有時不喚作拂子也不作拂子用卽喚作
 拂子也不作拂子用故又舉起拂子云且道正當恁
 麽時是作拂子用是不作拂子用咄一聲云是法非

撰述

卷之三

四

思量分別之所能解且截斷葛藤下座
上堂師云汝等兄弟須信自心是佛佛是自心做除
自心外別更無有成佛者且心無形相非青紅白黑
朱紫玄黃除朱紫玄黃青紅黑白外別無有心心非
音聲語言除音聲語言外別無有心心非馨香臭穢
但馨香臭穢外無別有心心非酸甜苦辣但酸甜苦
辣外無別有心心非細滑粗澁寒煖痛痒但寒煖痛
痒細滑粗澁外無別有心心非是非好惡長短濶狹
但長短濶狹是非好惡外無別有心但心若起一念
惡殺人害人故殺一切有命之物者卽此報身後定

墮地獄道去況實犯者而不墮落耶若起一竊盜人
財寶貨物念者卽當墮餓鬼道若有起邪淫心不息
者卽當墮落畜生道中是不謬者此是六道中下三
惡報也上三善報者若人皈依三寶受持五戒不殺
不盜不邪淫不妄語不飲酒食肉者此報身後定獲
如意人身不失若人不殺不盜不邪淫不誑不妄不
兩舌不惡罵不貪不瞋如此一類純行十善此報身後
羅道中若有不殺不盜不邪淫不誑不妄不兩舌不
惡罵不貪不瞋不癡如此一類純行十善此報身後
徑生天道所謂六道者也若有不起意念永絕貪瞋

撰述

卷之三

癡者如是一類則超出三界見苦斷集證滅修道則
證聲聞四阿羅漢果若有修十二因緣無明緣行行
緣識識緣名色名色緣六入六入緣觸觸緣受受緣
愛愛緣取取緣有有緣生生緣老死憂悲苦惱者則
證辟支佛果若有修六度布施持戒忍辱精進禪定
智慧兼之萬行者則證大乘菩薩十地等覺之果若
有修四無量心大慈大悲大喜大捨者則證涅槃常
樂我淨妙覺之果故華嚴經云若人欲了知三世一
切佛應觀法界性一切惟心造所以此四聖六凡莫
不皆由此耳故云現在衆生此世此生須自度西來

大意卽心卽佛莫他求珍重下座
上堂師云無上法王有大陀羅尼門名爲圓覺師堅
起拂子云汝等會得者個麼此卽是幻知幻卽離不
作方便離幻卽覺亦無漸次所以此中流出一切清
淨真如菩提涅槃汝等欲得清淨真如菩提涅槃現
前相應得力庶汝等各各但於日用間居一切時不
起妄念時則得盡虛空徧法界微塵刹土彌滿清淨
中不容他以一身清淨故則多身清淨多身清淨故
乃至十方法界清淨故也於諸妄心亦不息滅者上
來法界旣爾清淨則頭頭爾法法爾無不總是真如

一撰述

卷之三

七

之體況妄想情慮不鎔化爲真如耶又何須息滅哉任妄想境不加了知者若起一了知之念於菩提覺體便不相應所言覺義者謂心體離念離念相者等虛空界無所不徧法界一相即是如來平等法身依此法身說名菩提本覺者又何假了知之念耶於無了知不辯真實者汝等於十二時中總是真常寂滅之樂又奚暇辨夫真實不真實耶當初大慧禪師於四節之下各綴一語居一切時不起妄念曰荷葉團團似鏡師云咄於諸妄心亦不息滅曰菱角尖尖尖似錐師云咄任妄想境不加了知曰風吹柳絮毛

毬走師云咄於無了知不辯真實曰兩打梨花蛱蝶飛師云咄以大慧若無斯語余亦不贅之以咄云汝等現前還見得圓覺之體麼鵠子已飛雲外去癡人猶向月邊尋久立珍重

上堂師舉大慧一日云我平生好罵人因看玄沙語錄大喜他勘靈雲道諦當甚諦當敢保老兄未徹在可謂壁立萬仞後來與靈雲說話了你恁麼方始是徹却恁麼撒尿撒尿却問圓悟如何悟笑云他後頭却恁麼地我也理會不得遂下來歸到寮房知玄沙大段作恠遂舉似圓悟悟笑云且喜你知晦堂云今

撰述

續有神師高金谷口

時諸方多是無此藥頭大慧云切忌外人聞此龐言
師云且道誰是外人又誰是裡頭人我已知已聞還
算得是外邊人麼如老僧所判卽削髮除鬚之儻持
齋把素在繩墨上終日把本修行只是不解者一着
子也算不得是家裏人今有人於此也不持齋不奉
佛懷中抱子脚後膝妻却理會得者一着子便算伊
不得是門外漢何也不聞古佛云若人生百歲不善
諸佛機未若生一日而得決了之蓋當初會佛法無
分老幼正所謂有智不待年高無智百歲徒勞今時
會佛法則不論內外故也別有所謂佛語者昔日阿

難客於寺中聞童子誦此偈曰若人生百歲不善水
潦鶴未若生一日而得決了之阿難恠而召童子乃
正之曰是不善諸佛機童子因告本師師曰是阿難
老昏矣當以我語爲是師因慨曰如吾昨勸某道者
汝往習舊本可棄當持佛經修行般若爲正業不然
卽以此譬水潦鶴之類切至若某處有某例皆森然
水潦鶴之類滿目縱橫矣可不太息凡在六十二見
中者卽爲外道故也若能一念知非反邪歸正便是
菩提覺岸所言我執不能無動輒是煩惱者殊未知
煩惱屬客塵不是本有底種種境界現前但是自心

一撰述

弘明禪師金言

所召然汝一身豈有兩個主人公哉何不如般若生清淨心耶不應住色生心不應住聲香味觸法生心應無所住而生其心若果如此但見有清淨心則不見有煩惱心煩惱心生時則不見有清淨心矣果於十二時中見色聞聲之際不生分別心不作妄想見直下便是無分別智當處即是真如自性佛切莫謂不生分別念不作妄想心類他卧輪說卧輪有伎倆能斷百思想對境心不起菩提日日長是個止病若恁麼會卽六祖大師說慧能無伎倆不斷百思想對境心數起菩提作麼長又成了任病矣須知佛祖聖

賢說法總是應病與藥原無實法與人又華嚴云一切衆生具有如來智慧德相但以妄想執着而不證得汝等果然信得及沒有執着時古人所謂恁麼也得不恁麼也得恁麼不恁麼總得若有一毫執着則信不及矣既信不及則恁麼也不得不恁麼也不得恁麼不恁麼總不得又豈不聞心生則種種法生心滅則種種法滅法生則種種心生法滅則種種心滅耶且截斷葛藤下座

二月十九日上堂師云今日是大悲菩薩成道日原知菩薩從聞思修入三摩地初於聞中入流亡所所

入既寂動靜二相了然不生者既於三慧觀中返聞
自性時聲塵當下解脫根境不偶圓通本體洞貫十
方廓徹無礙聖凡一體何曾分別故菩薩不起三摩
地定發大悲心憐憫一切未脫苦輪衆生普門品云
妙音觀世音梵音海潮音勝彼世間音是故須常念
念念勿生疑觀世音淨聖於苦惱死厄能爲作依怙
具一切功德慈眼視衆生福聚海無量是故應頂禮
然於諸苦所因貪欲爲本卽水火等七難是也若滅
貪欲無所依止然捨此根塵不偶六根互用大悲圓
通法門則一切生死苦厄又何由解脫哉師舉起拂

子敲空云汝等還聞麼衆默然師云老僧如何却聞
又將拂子柄擊案卓云汝等還聞麼衆亦默然師云
老僧如何不聞乃曰觀音妙智力能救世間苦具足
神通力廣修智方便下座

二月二十九日上堂師云老僧一向以來與汝等說
話祇說得個如來禪一名義理禪一名老婆禪但未
嘗提起向上底一等說話今日與你們畧通一線去
昔日鴻山和尚一日示衆云老僧百年後往山前檀
越家作一頭水牯牛去左脇下書五字鴻山僧某甲
當恁麼時若喚作鴻山僧却又是水牯牛若喚作水

撰述

名著印譜金石印

牯牛却又是瀘山僧且道汝等喚個什麼卽得當時
有僧出云和尚若恁麼某甲相隨去也山云汝若去
切須腳取一莖草來在汝等且道是什麼意思也須
要會得好在今日老僧則不然須知雲月是同溪山
各異何用待至百年卽今有人喚老僧是牛師卽作
牛鳴一聲若有人喚老僧作馬師卽作馬鳴一聲正
恁麼時喚牛是喚馬是喚老僧是卽如牛馬事且置
怎奈老僧何況又是華嚴道場八十一卷經文畢在
今日老僧亦當從頭敷演過如是我聞一時佛在摩
竭提國阿蘭若法菩提場中乃至一切衆生具有如

來皆慧德相但以妄想執着而不證得高聲曰前文
竟下座

臘月朔日上堂云古人道三世諸佛不知有鰲奴白
牯却知有三世諸佛不知有者以彼從來未曾淹酒
黎奴白牯却知有者爲伊啟首原無讀書衆兄弟汝
等若恁麼會得須知老僧已兩手分付汝等了也若
恁麼不會切忌他時異日不得胡統亂統去八十翁
翁入場屋不是小兒戲佛法不是細事知有不知有
汝等珍重各各務要會取個分曉去下座

臘盡日上堂曰老僧生年屬己酉從隔歲戊申已過

80

0 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

卷之四終

了六十二花甲一轉矣今春啟首至此又是三百六十五日四分日之一分自初正月一日始日日起來只是着衣喫飯屙屎放尿過了竟無個事與衆兄弟商量得茲既到了年盡月盡夜頭亦想不起個說話可說止有兩句說話喫歲事盡從今夜畢明朝生意從新起擲拂子下座

龍池幻有禪師語錄卷之四終

嘉善若士李懶捐資刻此
計字八千一百箇 該銀四兩零五分
幻有語錄四卷



80

1

2

3

4

5

6

7

8

9

90

1

2

3

4

5

6

7

8

9

100

1

2

3

4

5

6

7

8

9

100

モ
一

